

UULILA NZI? KOAMBA!



I Mwami aku longezye! Katu ciimvwi kwa kaindi kaniini, mbuli mbo tukotamika mitwe yesu. Sena kuli nkumbizyo nsalensale? Ikuti na mwayanda, inga mwaizibya mbuli mbo munyamuna maanza aanu mujulu kuli Leza a kwaamba, kwiinda kuli eco, “Mwami, Ulizi kubula kwangu.”

² Taata Wakujulu, tuli bantu bajisi i—i coolwe ncobeni kuseeni kuno, kuba babungene ku ng’anda ya Leza, kakuli tulizi kuti kuli banji loko abo banga bayanda kuba mu ng’anda ya Leza kuseeni kuno, nkabela bali mu zibbadela a mu malo aamalwazi. Elyo Wa tupa coolwe eci kuba kubusena kuno sunu. Nkabela ta tubooli, Mwami, kuba babonana umwi aumwi, nekubakuti tula botelwa luswaanano lwa umwi aumwi; pele inga twa cita eco ku maanda eesu. Pele twa boola kuno kuba a luswaanano a Oyo Walo wa tuleta antoomwe mbuli bana a babunyina bayandwa.

³ Twa Ku lumba eno. Elyo nzila buyo eyo njo tuzi ya kuba a luswaanano luluzi a Nduwe nkuu Ijwi Lyako. Ijwi Lyako Mbwini. Tula bungana kuno nkaambo ka nguzu zya kumuuya. Tula luyanda, Mwami. Twe elede kuba a nguzu zya kukakatila ku ziingano ezyo nzyo tubweza. Alimwi twa lomba kuti Uyo tuma Muuya Uusalala mupati sunu, nkabela uyo tuyumya toonse. Kopa nkumbizyo zya bantu Bako mbuli mbo babungene a kunyamuna maanza abo kuli Nduwe, kuti babulide zintu zili boobu. Koingula umwi aumwi, Mwami.

⁴ Twa Ku lumba ku kaambo ka kuvuna buumi bwa Mucizi wesu Ungren masiku ainda, mu ntenda mu mugwagwa kutala kuno. Wa kali siluzyalo kuli mbabo, Mwami, nkabela twa Ku lumba nkaambo ka ceeco. Elyo eno twa lomba, Taata Wakujulu, kuti Uyo zumanana kuba a ndiswe a ku tugwasya mbuli mbo tuyabuya mu lweendo, umwi aumwi wesu. Ko tupa inguzu Zyako zya kukwabilila a i—i lusyomo lwa kuziba kuteeti Busyu Bwako buta kakilwi buyooba a ndiswe. Mu oora eelyo cindi notu takonzyi kuligwasya tobeni, tu lizi “Baangelo ba Leza bali bazungulikide abo ba Mu yoowa, alimwi Bayo tunyamuna kutegwa kufumbwa ciindi tutafumpuli matende eesu ku bbwewe.” Elyo twa lomba lino kuti Uyo tupa zileleko Zyako izya Ijwi, a ku kanana kwiinda muli ndiswe, a muli ndiswe, mu Zina lya Jesu Kristo. Amenii.

⁵ Ndili lumbide ku kubala kwa zuba aanze, zuba lya mitunga, li labala. Kwali kubi loko kuseeni kuno. Elyo Ndi yeeya kuti, mu cisi cino, kapati, tu jisi bube bwaciindi, busiyasiya a makataazyo. Elyo ku bona kubala kwa zuba, ka kuzwa, nkubotu maningi.

⁶ I kukamantana kwabili kwa mukwasyi muniini sunu, Nda swaana bakwesu bangu, nkabela bali kutala kuya ku ng'anda ya mucizi, a bamwi ba mukowa besu bali koonse mu dolopo a kumasena oonse. Kuli nkamu mpati ya bana Branham. Ikuti na boonse baboola antoomwe kuzwa ku Kentucky, mukati muno, Nda yeeyela kuti inga twa bbadelela busena bwa dolopo; kuli banji loko babo. Pele kukamantana alubo buyo kuniini. Twa kali kunga toonse tu swaanganina ku ng'anda ya baama, elyo bakali caanzyo cakaindi eco caka tuswaanganya antoonwe, cilawa cabana. Pele Leza wakatola caanzyo ku Julu, alimwi Nda syoma toonse tuyo swaangana kuya buzuba bumwi.

⁷ Elyo lino Nda kaambaula buzuba bumwi, Nda kati, “Nywebo mulizi, Nda syoma kuti Mebo njo—njo cesya milumbe yangu ya Munsondo ku kutandila maminiti aali makumi obile, elyo—elyo, na makumi otatwe, elyo mpawo ku kombela baciswa.” Elyo Nda yeeya eco kuseeni kuno.

⁸ Elyo Nda kayeeya masiku ainda, cindi Mucizi Downing naa ndiita a kwaamba kuti, kaita Billy a kwaamba kuti walo a Mucizi Ungren mu lweendo lwabo lwamu mugwagwa, batenzeleka aa mugwagwa nkabela bajisi kupwayana kubyaabi. Elyo kuciindi Billy nakacili ku mpulungwidō, aambali, Ta ndizi na cakali ciindi nzi; ndiza kuseeni sunu, ciindi cimwi. Nda li koono asyoonto cikubwene. Nda langa kunselelo kwa Mukwesu Wood, malaiti alizimide. Elyo Nda fugama buyo kukomba, nkabela cindi ni Nda cita, Cintu cimwi caamba buyo kuli ndime, “Kuli kabotu.” Aboobo mpawo Nda ambila Billy, “Ko mwaambila, ‘Zintu zyoonse,’ Nda yeeya, ‘inga zyaba kabotu.’” Ndili boteledwe maningi kuba bona kuseeni kuno, alimwi kaba kkedede mu ng'anda ya Mwami, kusule awa kuzwa ku mugwagwa.

⁹ I bantu abo bakuyanda obo maningi, ku boola kwa mamaile aali myaanda ku zoomvwa Makani mabotu, mpawo Nda kayeeya, “I mulumbe wa maminiti aali makumi obile, alimwi munzila ya bucebuca mbuli mbo Ndi bede, inga tiikwaba lugwasyo.” Aboobo Ndi yeeya kuti inga Nda cita buyo... bulamfu obo.

¹⁰ Aboobo mpawo, kumvwa Mukwesu Ungren, mwana wakwe mulombe, kuseeni kuno, kaimba, “Obo Leza Mbolu Mulemu.” Wa cita. . . Walo upandulula kunji kuli nguwe kuseeni kuno kwiinda mbwa kacita jilo isikati, nkaambo Leza mulemu wa Julu wavuna banyina, a mucizi wakwe bayandisi a bayandwa.

¹¹ Lino, sunu, tu langila ciindi cilemu mu Mwami. Elyo Nda jisi zibalo zybobile na zyotatwe zyandeene kuno ezyo Nze ndali kulanga, elyo tii Nda cita, nsendamvwisya buyo kuti njjili Nje ndinga ndakanana kuseeni kuno. Cimwi cazyo cali, “Amu sowe makataazyo aanu aali Nguwe, nkaambo Ngu mucubuka. Lino, ikuti na Ula cebuka, nkaambonzi yebo tociti?”

¹² Aboobo mpawo imwi iimbi, Billy Paul, na kutali Billy Paul. . . Mwana wangu umbi, Joseph, wakandiletela cibalo eci ciindi cilamfu cakainda. Wa kali kkede mu kaanda buzuba bumwi, elyo wa kati, kalungumene ku cifwanikiso, elyo Billy. . . Na, Joseph uyandisya maningi zya maato, mbuli basankwa baniini; maato a mbizi, nywebo mulizi. Elyo wa kati kuli ndime, “Taata, sena Jesu uli jisi bwaato?”

Elyo Nda kati, “Ta ndizi pe.”

¹³ Aboobo mpawo namana kunyamuka wainka, Nda talika kuyeeya, “Sena Uli jisi bwaato?” Elyo Nda bweza cibalo kuzwa kuli eco, a ku ceengela buyo aa pepa awa aa bbuku lyangu, “Sena Jesu uli jisi bwaato?” Elyo Nda talika kuyeeya. Cindi Na kali aano aansi, Wa kalomba zyalilo lya kuzyalilwa mo, cuumbwe caku zikkilwa mo, bwaato bwa kukambaukila, pele Ngu Mweendelezi wa bwaato bwakale ibwa Zioni. Masimpe, Uli jisi. Pele, alimwi zibalo ezyo Nze ndakali kuyeeya, kuyeeya ndiza inga Nda zibamba ciindi cimbi, katutana kunyamuka kujoka.

¹⁴ Nywebo mulizi, Ndi layandisya kukanana kuzwa ku cikombelo kuno, nkaambo ni mbungano yesu iini. Tu limvwa lwanguluka kwaamba kufumbwa cintu Muuya Uusalala nco waamba. Ku masena aambi, nekubakuti muntu uyanda kukubamba kulimvwa kutambulwa, ulimvwa kubaanga nkusyankana asyoonto nkaambo ka kuti—kuti uli mu mbungano, ya muntu umwi uumbi, nkabela uyanda kuba mulombwana uukkwene kulemeka miyeeyo yabo—yabo a njiisyo yabo.

¹⁵ Kajisi ciindi cibotu loko nsondo ino kunselelo ku busena bwa Mukwesu Burcham kuya. Elyo Nda kanjila mu fakitori oko nko bapanga macciizi. Nda bona walo a mukaintu wakwe, a mwana mulombe a balo, nkobali kuseeni kuno. Elyo lyoonse ndakayeeya kuti fakitori ya macciizi inga yaba cintu cimwi mbuli masena aambi ayo nge Nda kanjide, oh, kubaanga nkwa maanzianzi a tombe. Ma, inga Nda amba cintu cimwi, yebo inga wayaamina mukaanzambwene ncobeni kuti busena obo tabukwe tombe. Obo bwakali busena busalala maningi mbo Nda kasola kunjila, alimwi kapati mu fakitori. Elyo tee Nda kamvwisya; Nda kayeeya, oh, ndiza bayo panga mapaundi aali mwaanda aa macciizi abuzuba. Elyo bapanga mataani aali cisambomwe buzuba bomwe, alimwi otatwe aa mafakitori kaabeleka. Nda kayeeya, “Oh, ma, nguni uulya macciizi aya oonse?”

¹⁶ Pele Mwami walongezya mwaalumi oyu. Nda kajisi coolwe cakuba mu ng’anda yakwe, ng’anda mbotu maningi, mukaintu mubotu wabusalali. Alimwi kwiina kaambo nco bateelede kuponena Kristo mazuba oonse, mbuli mbo bacita. Kaswaana mwana wakwe musankwa, nkabela mbana babotu maningi. Tuli lumbide ku luswaanano olu ndo tujisi kuli umwi aumwi.

¹⁷ Kajana kuti mweembeli wabo wakaindi wakali i-i mwaalumi oyo ngo Nda kazyi, Mukwesu Gurley, mwaalumi mubotu maningi wa lusyomo lwa United Pentecostal, oyo ngo Nda kaswaana myaka yakainda, Jonesboro, Arkansas. Elyo teendazi kuti bakali . . . kuti wakali mweembeli wakwe, nekuba.

¹⁸ Lino amuyeeye miswaangano sunu mangolezya. Elyo mpawo, Mwami nawayanda, Munsondo iicilila alubo tu langila kuyo kanana. Elyo mpawo Ndi yeeya kuti Munsondo itobela mpawo Nde elede kuunka ku Chicago. Mpawo ta Ndi nooliko kwakaindi, Nde elede kujosya mukwasyi ku muunzi, kujoka, na kujoka ku Arizona kutegwa ba, bana, inga balembya mu cikolo ciindi cimbi. Elyo mpawo twa leka kupenzya mweembeli, kubweza miswaangano yakwe.

¹⁹ Aboobo, aboobo tuli lumbide ku Mukwesu Neville ku butambuzi bwakwe bwabulongwe abuuya, nywebo mulizi, bwa—bwa ku nditamba. Elyo uli loko, pe . . . Nda botelwa, mukwesu, mwaalumi mbuli oyo, oko kutakwe ndulwe, kwiinda bube bwakuliyanda, ngu Bunakristo buyo bwa kasimpe. Nda botelwa eco.

²⁰ Lino tu yoobala Lugwalo lumwi elyo mpawo kupa zya bupanduluzi. Alimwi Ta ndizyi buyo eco ciindi nco tu yoozwa, aa Milumbe eyi milamfu loko, pele Ndi yeeya . . . Nda kali kwaambaula buzuba bumwi kujatikizya kwaambaula ciindi cilamfu loko, elyo muntu umwi wakati, “Ee, lino, ikuti yebo—ikuti yebo waambaula biyo maminiti masyoonto; nkabela waamba kubaanga mu makani aasisidwe, akwalo,” kati, “swebo—swebo inga tee twakonzya ku cimvwisya.” Kati, “Ko zumanana biyo kwaambaula, alimwi kwainda kaindi cila libonya,” wa kaamba. Aboobo ndiza Mwami uyanda kuti cicitwe munzila eyo.

Atu kutame buyo lwabili.

²¹ Mwami, Ijwi Lyako lili bikkidwe kalijulidwe aa cikambaukilo, nkabela kumvwisya kuti buzuba bumwi Liyo jalwa kwa ciindi Calyo caku mamanino, nkabela Ijwi liyooba mu mubili wabuntu. Alimwi mpawo tuli—tuli lumbide ku ciindi eci kuseeni kuno. Elyo kotu julila, kwiinda ku Muuya Uusalala Wako, zili muukati ka Ijwi eelyo ndo tuyo bala. Akube kuti Muuya Uusalala utu yiisye sunu zintu ezyo nzyo tweelede kuziba. Alimwi akube kuti swebo mpawo, mu kujosya, tu swiilile kabotu ku Ijwi lyoonse, ku Li langalanga cakusakana. Alimwi mpawo akube kuti abo baswiilila kwiinda kunzila ya teepu, akube kuti ba swiilile kabotu. Alimwi akube kuti tukonzye kujata eco Muuya Uusalala ncousala ku tuyubunwida. Nkambo tula ziba, ikuti na We elede kutunanika, nkokuti bunanike tabuli bwa buyo. Nkwa bukanze, kutegwa inga cabelekela bubotu, ku Mwami. Alimwi akube kuti myoyo yesu a kumvwisya kujulwe, Mwami.

²² Akube kuti tube a lwaanguluko lwa kukanana, a lwanguluko lwa kumvwa, a nzila yaku lusyomo, kusyoma eco nco twamvwa, mbuli mbo ciboola kuzwa ku Ijwi Iya Leza; kutegwa inga caba aampindu kuli ndiswe, Buumi Butamani, mu Buzuba bupati obo bweelede kusika. Kotu longezya sunu. Ko tutapatila cindi twa lubila. Kotu zibya tumpenda oto nto tujisi. Alimwi kotu longezya munzila eyo iiluleme, kutegwa ingwa twa ziba eyo nzila ya kutola, a nzila ya kulilemeka mu nyika eyi yasunu; kutegwa tu lete lulemeko, mu kupona kwesu, kuli Jesu Kristo, Oyo wakafwa kuti atupe Buumi mu ciindi cipati ciboola. Twa lomba eci mu Zina Iya Jesu. Amen.

²³ Lino Ndi yanda kubala buyo kuzwa ku masena obile kuzwa ku Magwalo, cifumo cino. Elyo lumwi lwa ngawo lujanwa buyo kuya mu Bbuku Iya Kulonga. Mukasimpe, oonse awo azwaku Bbuku Iya Kulonga. Lumwi, capita 13, a kampango ka 21 a 22. Elyo lumwi lutobela ngu capita 14, kampango ika 10, 11 a 12. Lino Njo bala kuzwa ku Kulonga 13:21.

Elyo MWAMI wakali kubazulwida isikati aa musumpululu wa joba, kuti aba tondezye nzila; a masiku. . . a musumpululu wa mulilo, ku bapa mumuni; kuti beende isikati a masiku:

Taakwe naka banyanzya musumpululu wa joba ku isikati, nekuba musumpululu wa mulilo ku masiku, kuzwa kumbele Iya bantu.

²⁴ Lino mu Kulonga 14, a kampango ka 10.

Eyo cindi Farao nakaswena muni, bana ba Israyeli baka tamba meso abo, alimwi, akubona, bana Egepita kabaza bubatobela; nkabela ba kayoowa loko: nkabela bana ba Israyeli ba koopolweda MWAMI.

Elyo mpawo kati. . . Musa, Nkaambo kwa. . . (mundi jatile)

Elyo ba kaamba kuli Musa, Nkaambo kwa kanyina tubanda mu Egepita, watu gwisizya nzi kuti tuzo fwide mu nkanda? mukaambo ako wa tucitila nzi obu, watu bweza kuzwa ku Egepita?

Sena eli talili ijwi ndyo twa ka kwaambila mu Egepita, kwaamba, Ko tuleka tolikke, kuti tubelekele bana Egepita? Nkambo nicakali cibotu kuli ndiswe kubelekela bana Egepita, kwiinda kuti tufwide mu nkanda.

²⁵ Ndiyo bala tumpango tumbi tusyooto.

Elyo Musa wakati ku bantu, Mu ta yoowi. . .

Lino amu swiilile kabotu awa.

. . . Musa wakati ku bantu, nywebo Mu ta yoowi, amwiime nji, a kubona lufutuko lwa MWAMI, olo ndwayo

tondezya . . . ndinywe sunu: nkambo bana Egepita abo mbo mubwene sunu, tamu kababoni limbi kwa lyoonse.

I MWAMI uyo mulwanina, nkabela muyo uumuna . . . i MWAMI wakati kuli Musa, Kukaambonzi nco lilila ndime? koamba ku bana ba Israyeli, kuti baunke kumbele:

Pele sumpula musako wako mujulu, a kutandabika janza lyako atala lya lwizi, a ku lwandula: nkabela bana ba Israyeli bayo enda aa nyika njumu kwinda aakati ka lwizi.

Elyo Mebo, bona, Njo yumya moyo wa bana Egepita, cakuti bayo batobezya: alimwi Njo lijanina lulemeko kuli Farao, a ku impi yakwe yoonse, a ku nkalaki zyakwe, a kuli basimbizi bakwe.

Elyo bana Egepita bayo ziba kuti Ndime MWAMI, nkabela Nda lijanina lulemeko kuli Farao, a ku nkalaki zyakwe, a kuli basimbizi bakwe.

Elyo angelo wa Leza, oyo wa keenda kumbele lya nkamu yaba Israyeli, wakajokela a kweenda kusule lyabo; nkabela musumpululu wa joba wakeenda . . . kumbele lya busyu bwabo, a kwiima kusule lyabo:

Elyo wa kaba aakati ka nkamu ya bana Egepita a nkamu ya bana Israyeli; . . . lwakali joba lya mudima kuli mbabo, pele lya kapa mumuni masiku kuli baaba: kutegwa umwi ata booli munsu kuli umbi masiku oonse.

Elyo Musa waka tandabika janza lyakwe aatala lwa lwizi; nkabela MWAMI wakapa kuti lwizi lujoka kwiinda ku guwo lyakujwe ilyanguzu oonse masiku ayo, a kubamba lwizi kuba nyika njumu, elyo meenda aakapambukana.

Elyo bana ba Israyeli bakeenda mukati ka lwizi aa nyika njumu: nkabela maanzi akaba bulambo kuli mbabo ku janza lyalulyo, a i ku lumwesi.

Elyo bana Egepita bakatobela, a kunjila kubatobela muya aakati ka lwizi, azyalo mbizi zyoonse zya Farao, nkalaki zyakwe, a basimbizi bakwe.

Elyo ca kacitika, kuti ku bucedo MWAMI wakalanga aansi ku impi ya bana Egepita kwiinda mu musumpululu wa mulilo a . . . joba, a kupilinganya impi ya bana Egepita,

Elyo wakaangatizya mavwili a nkalaki zyabo, cakuti baka enzya cakusililika: cakuti bana Egepita bakati, Atu cije ku busyu bwaba Israyeli; nkambo MWAMI ula balwanina balo a kuuma bana Egepita.

²⁶ I Ijwi lya Mwami ndipati loko, ndibbotu loko, kwiina nzilaya kuleka ku Li bala. Liba buyo Buumi, mbuli mbo tu Li bala. Ndi yeeya kuti, mu cibalo eci cifumo cino, nekubakuti uli mukuteping'wa, Ndi yanda kwaamba eci ku matalikilo, ci lajana, Nda lijana lwangu. Alimwi kaambo kakuti Ndi... Ijilo, kuciindi kandili mu busena bwakubalila, nkabela Nda kaboola aa ciiyo eci, elyo mpawo Nda kayeeya, “Ndiyo cita buyo, ikuti na Mwami wayanda, ku kanana aali eco, nkaambo cila ndiselemuna.” Elyo Nda syoma cila tuselemuna toonse, kutegwa inga twabona, a kutucitya kupakamana; a kulingula asyoonto, mu kweezyanisya buzuba obo mbo bwakabede kaindi, i...ku buzuba obo buli lino.

²⁷ Ndi yanda kubwezamabala otatwe aa cibalo, elyo ayo ngakuti: *Uulila Nzi? Koamba!* Leza wakaambila Musa, awa mu kampango ka 15, “Nkaambonzi nco lilila Ndime? Koamba ku bantu, kuti baunke kumbele.” Nkabela: *Uulila Nzi? Koamba!*

²⁸ Lino, tu jisi ciiyo cikubwene, elyo Njo sola kubinda kumanizya caku fwambaana mbuli mbo kukonzeka, mbuli Muuya Uusalala mbo usololela. Elyo Ndi yanda kuyeeya zya i... zya cibalo eci, ca Musa kaompolweda Leza, mu ciindi ca penzi; nkabela Leza kavwiila kutapatila Musa, ncobeni penzi lyakali mu—mu ciindi cakubeleka. Alimwi mbulenge buyo, kuboneka mbuli, ku muntu koopolola. Elyo mpawo ino i—i nkutapatilwa mbo kubede kuli Leza kunyona a kumu tapatila nkambo ka kucaamba, nkambo ka koopolweda Nguwe. Ci boneka mbuli kuti ncintu ciyumu maningi.

²⁹ Ziindi zinji cindi twa langa ku Magwalo, mu nzila yesu ya kulanga, ci boneka ciyumu loko. Pele ikuti na twa Lu langalanga kabotu kaindi kaniini, tu jana kuti Leza wa busongo boonse ulizi buyo eco Nca cita. Elyo Uli zyi nzila yakucita zintu ezi a nzila ya kubeleka aa muntu. Uli zyi eco cili mu muntu. Uli, Uli muzyi. Ta tuzyi. Tu zyi buyo kuzwa ku lubazu lwa bupampu. Uli zyi ncobeni eco cili mu muntu.

³⁰ Musa wakazyalwa mu nyika eyi, alimwi kali musankwa uula cipego. Wa kazyalwa kuba musinsimi, movuni. Wa kazyalwa a cibelesyo eci cakazyalwa muli nguwe, mbuli muntu onse oyo uuboola mu nyika ulazyalwa a cibelesyo eci, mbuli mbo Ndi syoma canguzu mu i—i lukanzo lwa Leza, i kukanzwa.

³¹ “Kutali kuti Leza uliyandide kuti umwi inga wanyonyooka, pele kuti boonse baboole ku lweempo.” Pele, mukuba Leza, Wa kaleelede kuziba, nkabela ulizyi, “kuziba mamanino kuzwa ku matalikilo.” Mwabona? Ikuti na Ta zyi, nkokuti Tali mupatikompatila; alimwi ikuti na Tali mupatikompatila, Tali Leza pe. Aboobo Ta kali kuyanda, masimpe, kuti umwi ata nyonyooki, pele Walo—Walo mukuziba oyo uunga uyo nyonyooka a oyo uunga taka nyonyooki. Ako nke kaambo, bukanze mbubonya bwakuti Jesu wakasika ku nyika, wakeelede kufutula

abo Leza, kwiinda ku lukanzo Lwakwe, wa kabona abo bakali kuyanda kufutulwa, mwabona, nkaambo nyika yoonse yaka pegwa mulandu. Elyo ta Ndi boni nzila mbo tukonzya ku ciisia kunzila iimbi iili yoonse kunze lya lukanzo lwa Leza, nkabela Bbaibbele lilaamba cantangalala kuti Walo “ulizi mamanino kuzwa ku matalikilo,” nkabela ulakonzya ku cilungulula.

³² Aboobo, cindi i—i muntu asola kuba cintu cimwi obo mbwa tabede, uli mukupanga buyo kulikozyanisya, nkabela kumalekelo ciyo kutondezya mbobede. Zibi zyako ziyo kutondezya mbobede. To konzyi kuzisisa. Kuli buyo civumbyo comwe ca cibi, eco ngu Bulowa bwa Jesu Kristo, nkabela Ta bukonzyi kubikkwa cita kuti Leza waka kwiita kuzwa ku malengelo aa nyika. Ako nke kaambo Bulowa obo nco bwaka tililwa; ta bweelede ku lyataulwa buyo, aku sampaulwa, a— a kudyungwadyungwa, a—a kwaambwaa bubi, a—a zimwi zimbi. Bwa kali bwa bukanze bugaminina. Eci cili luleme. Ta bweelede kusobanisigwa, kutali ku bubamba kulikozyanisya, kwiinda mu kwaamba kuti zibi zyaka vumbwa kakuli tazina pe. Elyo kwiina muntu uukonzya kuvumba zibi zyakwe citakuti zina lyakwe lyakali aa Bbuku lya Buumi ilya Mwanambebele kuzwa ku malengelo aa nyika. Jesu wakati, Mwini, “Kwiina muntu uukonzya kuboola kuli Ndime citakuti Taata Wangu wa mukwela. Alimwi boonse abo Taata mbaka,” bwaambe bwaamba cakainda, “ka Ndi pa, bayo boola kuli Ndime.” Eco cili luleme. Aboobo to konzyi kubamba Majwi ku beja. Ali waalya nkambo ka Bwini a kwa kululamika.

³³ Elyo Musa wakazyalwa a cipego ca lusyomo; lusyomo lupati Musa ndwa kajisi. Tula lubona, kwainda kaindi, kaluli bonya muli nguwe. Elyo wa kazyalwa mu mukwasyi mupati, mbuli mbo tuzyi kuti bawisi a banyina, a kuzwa ku mukwasyi wa Levi. Kwali, kaano awa, cakaba kutaanguna kuli eci, mu Bbuku lya—lya Kulonga, kalapa cabweebesi maningi buumi bwa syakacite oyu mulemu. Elyo wa kali umwi wa i—i basyakacite bapati maningi bamu Bbaibbele, nkaambo wa kali cikozyano cisinizize ca Mwami Jesu.

³⁴ Wa kazyalwa mu kuzyalwa kugambya loko, mbuli Mwami Jesu. Wa kazyalwa mu ciindi ca kupenzegwa kupati, mbuli Mwami Jesu. Wa kazyalwa kuba mvuni, mbuli Mwami Jesu. Wa kasiswa a bazyali bakwe, kuzwa kuli sinkondo wakwe, mbuli Mwami Jesu. Elyo wa kaboola ku ciindi cakwe ca mulimo, mbuli Mwami Jesu. Wa kali musololi, mbuli Mwami Jesu. Wa kali musinsimi, mbuli Mwami Jesu. Elyo wa kali sikupa milao, mbuli Mwami Jesu.

³⁵ Elyo tu jana kuti wa kafwida aa Mwaala, alimwi kuleelede kuti wa kabuka lwabili a zintu zyoonse, nkaambo, myaka ya myaanda iili lusele wa kaliimvwi aa Cilundu Cakusandulwa, kaambaula ku Mwami Jesu. Mwabona? Baangelo baka mutola. Taakwe muntu uuzi awo mpa kazikkilwa. Awalo dyabulosi taka

ziba eco. Mukasimpe, Ta ndisyomi kuti wakasolwa kuzikkwa. Ndi—Ndi syoma kuti Leza waka mutola, alimwi—alimwi wa kafwida aa Mwaala oyo ngwa katobela mazuba oonse a buumi bwakwe.

³⁶ Walo wa kali cikozyano cilondokede ca Kristo. Wa kali mwaami ku bantu. Wa kali sikupa milao. Wa kali i—wa kali i—i sikugwasya bantu. Wa kali zintu zyoonse, mu—mu cikozyano, obo Kristo mbwakabede.

³⁷ Lino, mpawo, amubone kuti wa kazyalwa a zipego ezi zipati a bube mukati lyakwe, mpawo ca katola buyo Cintu cimwi caka mweka aali njiyo, kuleta cintu eco ku Buumi.

³⁸ Mwabona, mbuto ya Leza yaka bikkidwe ncobeni muli ndiswe kuzwa ku malengelo aa nyika. Elyo cindi Mumuni oyo niwa saanguna kuuma mbuto eyo, Ula ileta ku Buumi, pele Mumuni ku saanguna weelede kuboola aa mbuto.

³⁹ Mbuli mbo Nda kayiisya ziindi zinji zya mwanakazi muniini ku mukalo, walo mu ciimo eco. Nekubakuti waa li i—muntu uutakwe bulemu kubuleya, nekubakuti buumi bwakwe—bwakwe bwakali uubaukide, alimwi waa kali mu ciimo eco nkaambo kakuti tunsiyansiya tii twakasola kumuguma, pele, nekubakuti, cindi Mumuni kusaanguna niwa kamuuma, cakufwambaana waa ka Uziba, nkaambo kwakali cintu cimwi kuya civwiila kuli Nguwo. “Cindi lwizi nolwiita ku Lwizi nyina,” ku leelede kuba Lwizi kubusena bumwi kuvwiila ku kwiita oko.

⁴⁰ Elyo Musa mpaawa wakazyalwa kali musisnimi oyu, pele wa kakomezegwa mu cikolo cabupampu a mu ng’anda yabwami iya Farao. I Farao Seti, kuti wa kakomezegwa ku bweendelezi bwa oyu, wakali muntu waka cijisi lulemeko, a kusyoma Josefa kuba musinsimi wa Mwami. Pele mpaawo kwaka boola Ramesesi kumane Seti, nkabela Ramesesi takajisi makani a Josefa. Elyo aboobo, kwalo, mpaawo aka talikila mapenzi, lino, cindi nikwa kabuka Farao oyo watakazi Josefa.

⁴¹ Pele bube obu bupati, atu bubandike kwakaindi kaniini, alimwi, katutana kusika ku cibeela cipati ca cibalo. Ndi jisi nzila iigambya ya kubamba cibalo, mpawo kuci yaka, alimwi Mwami atugwasye kuseeni kuno mbuli mbo tu ciyaka.

⁴² Musa, mukuzyalwa a cipego eci cipati ca lusyomo. Mpawo, wa kali nanikidwe a kutumwa ku citeo ciyaka, ku kuvuna bantu ba Leza. Lino, kubona obo bube bupati muntu oyu mbwa kajisi! Wa ka zyalilwa cintu cimwi. Leza waka jisi bukanze muli ncico.

⁴³ Leza ulijisi bukanze bwa ndinywe kuba kuno. Mwabona? Ikuti na mwakonzya buyo kuba, kusika ku busena obo, manji buti mapenzi ngo vuna Leza a lwako, ayebo.

⁴⁴ Musa wakazyalwa, elyo mpawo mbwa kabede, kwiinde ciindi, wa kaletwa ku i—i busena oko nkwa kananikwa. Elyo, amuzibe, mbuto kailede kuya a muyeeyo wa bupampu, a lusyomo

loonse lwakuti wa kazyalwa kuti avune bantu aba, alimwi nekuba tii yaka boola ku Buumi kusikila Mumuni oyo kuzwa ku citeo ciyaka nica kamweka waka mweka aali njiyo; kusikila wa kabona, kutali cintu cimwi nca kabala, pele cintu cimwi nca kabala a meso aakwe; Cintu cimwi eco ca kaambaula kuli nguwe, nkabela wa ka Ci vwiila. Oh, obo eco mbo cakaleta zintu ku Buumi.

⁴⁵ Ndi yeeya kuti muntu uuli oonse a...na mwanakazi, na musankwa na musimbi. Elyo Ndi yeeya kuti, mu muyeeyo wabupampu wa eeco nco bayeeya kuti Ijwi mbolibede, a zimwi zimbi, taku konzyi kuba a ntalisyo iizwide kwiima kusikila ba swaana Mumuni oyo uuleta Ijwi eelyo ku kasimpe.

⁴⁶ Ndi yeeya kuti mbungano mu cilengwa cayo, takukwe makani obo mbokuli kwa milao a bupampu mbo inga yaba, eyo mbungano taikonzyi kusumpuka kusikila Cigambyociinda ca yubununwa aakati ka bantu abo, alimwi ba cibona. Cintu cimwi eco nco bakonzya ku kananina, eco ciyo ba vwiila, eco cisimpikizya Ijwi eeli lilembedwe.

⁴⁷ Lino amuyeeye, cindi Musa naka swaana citeo eci ciyaka, eelyo Ijwi lyaka simpikizigwa ncobeni. Lya kali Ijwi. Musa ta keelede kulibilika, “Ino Jwi eeli ndya makani nzi? Cinzi eci Cilenge awa?” Nkaambo, Leza waka lembede kale aa Lugwalo, mu Matalikilo, kuti, “Bantu bako bayo enda mu nyika eyi nyenzu, pele bayo josegwa kwa kumana myaka iili myaanda yone, bayojoka mu cisi eci lwabili, nkambo i—i milandu yaba Amori taina zulila pe.” Lino, myaanda a myaanda ya myaka kakutanaba, Leza wakali aambide kuti, “Israyeli inga iyenda a kupenzegwa mu nyika nyenzu, nkabela inga bayo kkala kuya kwa myaka iili myaanda yone. Pele Leza, a janza lya nguzu, inga uyo bagwisya.” Aboobo, nywebo mwabona, a citeo eci ciyaka...

⁴⁸ Musa wakalizi eci, kunzila yabupampu. Elyo mbuto eyo yakazyalwa muli nguwe, yakali kkede mu moyo wakwe. Elyo wa kasola, kwiinda ku luzibo lwakwe lwabupampu a Ijwi, ku sola ku—ku—ku bagwisya, ku bavuna, nkaambo wa kalizi kuteeti wakazyalilwa bukanze obo. Wa kalizi eco, i ciindi. I Magwalo oonse akaamba kuteeti bakali kale muya kwa myaka iili myaanda yone.

⁴⁹ Mbuli buyo mbo tuzi eno, mbuli muntu wandibuzya kaindi kaniini kainda, kujatikizya Kuboola a Kukwempwa. Tu lizi. Twa manizya ciindi, calo ciindi ca Kukwempwa cili afwaafwi, nkabela tu langila lusyomo lwaku kwampwa olo lukonzya ku kamantanya Mbungano a kwiipa nguzu zimwi zigambyakwiinda, ezyo zikonzya kucinca mibili eyi njo ponena mo. Cindi twa bona Leza kakonzya kubusya bafwide kuzwa ku cibuye na kuzwa ku lubuwa, a kumu josya ku buumi lwabili a ku mutuula kunembo lyesu, cindi twa bona Leza oyo uukonzya kugwisya kkansa eyo iilya muntu kuba uukotede a ku mubusya

kuba muntu muyumu wanseba mbotu, eco ceelede kupa lusyomo lwaku kwempwa ku bantu. Kuti, cindi Mumuni oyo niwa kamweka kuzwa ku mulengalenga, nkabela mweembo walila, Mubili wa Kristo uyo bunganisigwa antoomwe cakufwambaana, a kucinwa mu kaindi kaniini a kutolwa ku Majulu. Iyi, kuleelede kuba cintu cimwi mbuli eco kucitika. Elyo zikolo zyesu zya lwiiyo lwabukombi tazikonzyi kuleta eco pe, nekubakuti bali luleme munzila yabupampu. Pele mweelede kuswaana Mumuni oyo! Mweelede kujana Cintu eco cimwi.

⁵⁰ Elyo awa Musa, kasimpika kwiitwa oku kupati aa Ijwi, alimwi kwakali kupati, mane buzuba bumwi wa kaswaana Mumuni oyu, alimwi ndilyonya Ijwi Lini lyaka muvwiila. Mpawo wa kajana bunanike bwakwe. Eco caka nanika eco nca kajisi muli nguwe, eco cakali mukati, i—i bupampu mbo caka lisyoma, lusyomo olo ndwa kabikka aa buzumini bwakwe muli Leza, olo lwa kamwaandanya kuzwa kuli banyina. Elyo lino cindi na kauma mu Busyu bwa Mumuni oyu, Bwa kananika eco nca kasyoma. Mwabona? Ino mbu nanike! Elyo wa katumwa.

⁵¹ Lino, tu lizyi, kunzila yabupampu wa kamwva banyina. Wa kalizi eco cakeelede kuyocitika, nkabela wakalizi kuti wakali kupona mu buzuba obo. Pele awa wa kajana kuti wakali sikukakilwa, aboobo inga nakali jisi . . . lusyomo lwakwe lwakwe kunga lwatebela asyoonto. Pele mpawo cindi na kaboola ku citeo, Leza wakati, “Nda swiilila kulila kwa bantu Bangu, nkabela Nda yeeya cisyomezyo Cangu kuli bamawisi babo, Abrahamu, Izaka, a Jakobo, nkabela Nda seluka aansii.” “Nda,” kuya, i—i bbala lyaamba cintu ca cigaminina, “Nda seluka aansii kuti ndibavune.”

⁵² Elyo eno, alimwi a Ndi yungizye buyo eci ikuti na cili . . . Leza ndilekelele ikuti na cimvwika kusanka cintu cisetekene. “Ta ndibeleki aa nyika, cita kwiinda mu muntu. Ndili—Ndili—Ndili Musaansa; nywebo muli mitabi. Elyo Ndi litondezya buyo Lwangu cindi Nda konzya kujana muntu. Elyo Nda kusala, alimwi Ndi kutuma kunselelo kuyo bagwisya.” Mwabona? Lino amuzibe, “Njo oba a mulomo wako, alimwi Ndi . . . ko bweza musako oyu.”

⁵³ Elyo Musa wakati, “Sena inga Nda bona citondezyo cakuti Uyo ndituma, nkabela Wa ndinanika, alimwi Uyo cita zintu ezi?”

Kati, “Ncinzi eco ncojisi mu janza lyako?”

Wa kati, “I kasako.”

Kati, “Ka waalile aansii.” Ka kasanduka kuba nzoka. Wa kacija.

⁵⁴ Wa kati, “Ko ibweza.” Ya kasanduka kuba kasako. Kati, “Kobikka maanza ako mu kaango kako.” Ko ligwisya, nkabela lyakaba cinsenda. Koli josya, nkabela lya kaponesegwa.

55 Kati, “Wa kabona bulemu bwa Leza.” Tee kwaka cili mubuzyo, kuli Musa. Sena mwakasola kubona, taakwe naka tijila ku nkanda lwabili? Wa kalizi kuti wakananikwa. Wa kalizi aa busena, zintu zyoonse ezi zyakali mu moyo wakwe, a bube bupati bubotu, alimwi wa . . . bakali nanikidwe lino. Uuli, uuli libambilide. Uli libambilide kuunka. Aboobo wakeenda kuya ku musanza ku Egepita.

56 Leza wa kati, “Njo oba a nduwe,” aboobo eco—eco caka cimana. Ikuti na, “Njo oba a nduwe,” kwa mana koonse Musa nkwa keelede kuziba, zya kwitwa ooku kupati mu moyo wakwe. Alimwi eno Leza wa kati, “Njo oba a nduwe.”

57 Lino, Leza akwalo wakasimpikizya kwakwe, kutaminina kwa Musa. Kutaminina kwa Musa, “Nda kaswaana Mwami. Elyo Wa kati ndimwaambile kuteeti, ‘NDIME’ wandi tuma.” Mwabona?

58 Lino ba kati, “Ngooyu muntu, mu Juda uumbi, antela umwi wa basikwiindilizya aba bali kuboola aambali ciindi coonse kaa jisi misyobo yoonse ya bukanze bwa kutugwisya ku bwaange.” Elyo nywebo mulizi obo bantu mbo babede cindi banooli bazike, na mu bwaange nkambo ka cintu cimwi, lyoonse kuli musyobo umwi wa kooze kaboola koonse, nywebo mulizi, ku cicita.

59 Aboobo, Musa, Leza wakasyomezya Musa, “Njo oba a nduwe. Njo oba muli nduwe. Majwi Aangu ayooba Majwi aako. Uyo kanana buyo Majwi Aangu a kwaamba buyo eco nce Nda amba.”

60 Elyo lino cindi Musa nakainka ku musanza ku kubapa kwitwa oku, a kwiima kumbele lya Farao, a ku mwaambila, “I Mwami Leza waba Hebrayo wakati, ‘Ko gwisya bana.’” Nkabela kwiina naka balekela kuunka. Aboobo wa—wa kacita citondezyo kumbele lya baalu a kumbele lya Farao, a zitondezyo ezyo Leza nzya kacita. Wa kati, “Lino, juunza, kutandila ciindi eci, izuba liyo bbila. Ku yooba mudima koonse ku Egepita,” nkabela caka citika mbubonya buyo. Elyo mpawo wa kati, “Ku—ku boola nzinini aa i—aa nyika,” alimwi wa katandabika musako wakwe a kwitila nzinini, nkabela nzinini zyaka boola. Elyo wa kasinsima, a zintu zyoonse ezyo nzya kasinsima zya kacitika mbubonya buyo munzila. Wa kali Leza. Mwabona?

61 Leza waka mwiita kuzwa ku kuzyalwa kwakwe, kabikka bube muli nguwe, bwa lusyomo lupati, elyo mpawo wakaselemu a Busyu Bwakwe a kunanika cintu eco cimwi cipati muli nguwe, alimwi waka mutuma kunselelo a Ijwi Lyakwe, alimwi wa kasimpikizigwa bweelede ku kutaminina kwakwe. Takukwe makani obo basikulipa busilisi banji baka buka, obo zintu ezyo zimbi mbo zyakali zinji zya kacitika, Leza wakali kwaambaula ku . . . Musa waka tondezegwa. Musa, eco Musa nca kaamba, Leza waka cizulizya. Ndi yanda kuti mutalubi Ijwi eelyo. Eco Musa nca kaamba, Leza waka cizulizya, nkaambo Ijwi lya Leza

lyakali muli Musa. “Njo oba a mulomo wako; uyo kanana zintu ziluleme.” Lino, eco Leza ncaamba—eco Leza ncaamba, Ula caamba kwinda muli Musa, a ku citondezya a kusimpikizya kutaminina kwakwe.

⁶² Akwalo, wa kaambilwa aabanyina, kuzyalwa kwakwe kwa maseseke, a nzila kuti ciindi ceelede cakaswena ku oora cakuti kwa keelede kuba kuvunwa. Amramu a—a Jochebedi, bana balombe a mwana musimbi wa Levi, baka talika kukoma kuli Leza kuti kutumwe muvuni. Elyo ci tola . . . kwalo mwabona ciindi ca cisyomezyo kuswena, cibamba bantu kukomba a kufwa nzala. Elyo kwiina kuzumbauzya kuti—kuti Jochebedi waka mwaambila ziindi zinji, banyina; nkambo bakali baleli bakwe, akwalo, mbuli mbo tuzi kaano. Elyo waka mwaambila nzila eyo nja kakomba. “Elyo, Musa, cindi nokazyalwa, mulombe, wakali mwana mubotu. Wa kali waandene. Kwakali cintu cimwi cakacitika aa kuzyalwa kwako.”

⁶³ Nda kapa drama aali nkako ku bana, kutali ciindi cilamfu cakainda, a kuti, “Kuciindi Amramu nakali mu kaanda kakomba, wa kabona Angelo kasomona panga Lyakwe a kuli tondeka ku Nyiika, a kuti, ‘Uyo oba a mwana, nkabela uyotola bana ku Nyiika ku nyika ya cisyomezyo.’” Kupa drama ku bantu baniini kutegwa baci mvwisye; kuti bupampu bwabo tabuna sika ku busena obo nywebo no bapati, nko mukonzya kumvwisya loko zintu mbuli Muuya Uusalala mbo uciyubununa kuli ndinywe.

⁶⁴ Lino, nekubakuti banyina baka mwaambila zintu ezi, alimwi wa kalizi eci, nekuba wa kali kuyandika kuba a kugumwa kumbi. I—i lwiiyo lwakali kabotu, pele wa kali kuyandi kuba a kuswaana kwacigaminina.

⁶⁵ Eco ncencico nyika nco iyandika sunu. Eco ncencico mbungano nco iyandika sunu. Eco ncencico bantu boonse nco bayandika, abo mbana balombe a basimbi ibaba Leza. Kutegwa mube obo, mweelede kuba a kuswaangana kwacigaminina, mwabona, Cintu cimwi. Takukwe makani, mulizi Ijwi kuti mbwini, mulizi kuti Li liluleme; pele mpawo cindi Iya kwaba, elyo mpawo mula bona zintu kucitwa, mpawo muli mu nzila iiluleme. Mwabona? Elyo, amulange, lyoonse ciyooba ca Lugwalo. Ci yooima a Lugwalo ncobeni, nkaambo eci cakacita.

⁶⁶ Mupailo wa Amramu wakali mbubonya buyo mbuli Lugwalo. Mipailo yabo yakali a Ijwi lyaka syomezegwa. Leza waka syomezya ku ciindi eci ku cicita. Ba kacikombela, alimwi mpaawa kwakali mwana mubotu wakazyalwa. Alimwi ba . . .

⁶⁷ Amulange! Oh, obo bo Ndi botelwa eci! Mwabona, mu oora Farao nakali kujaya bana boonse, mwabona, ku babikka ku i—ku panga, panga Iya sikukwabilila; ba, bakayasaula bana aaba baniini ca lufu, kubasanizya ku ntale, mibili miniini, kusikila ntale antela zyaka neneya ku mibili ya bana ba Hebrayo. Pele

Bbaibbele Iya, kati, “I bazyali teebe kayoowa kulailila kwa Farao kwa kujaya bana.” Teebe kacita. Teebe kalibilika, nkaambo baka bona cintu cimwi mu muvwanda, kuzwa kumatalikilo. Baka cibona, kuti oku kwakali kwiingulwa kwa mupailo.

⁶⁸ Elyo lino Musa waka jisi koonse oku mbuli ntalisyo, aboobo Musa wakalizi kuti wakatumba ku bukanze mbubonya bwa kuvuna bana ba Israyeli.

⁶⁹ Mwabona, ntalisyo yoonse ya lundana buyo. Cindi wajana cintu cili coonse, a kukonzya kuleta Bbaibbele, kwaamba, “*Eci* ciyo citika,” elyo mpaawa ca citika; “alimwi *eci* ciyo citika kuba ciindi eco cimwi,” mpaawa ca citika; “alimwi *eci* ciyo citika kuba ciindi eco,” mpaawa ca citika; mpawo cayakwa coonse antoomwe a kubamba cifwanikiso ca ndiswe.

⁷⁰ Oh, obo cikombelo eci kuseeni kuno, obo swebo to bantu ba oora eeli, Mukwesu Neville, mbuli mbo tubona imvwi kazisika mu masusu esu, a ziwezo zyesu kazidiimana, cindi twa bona nyika kazembaana a kuzungaana mbuli mboiyibede, a obo mbo tukonzya kubona koonse a kubona cisyomezyo ka ciswena! Cili, ngu. . . Ndi yeeya kuti, ziindi zinji, ikuti na muntu umwi wa Ci njila lomwe, nkabela inga to Ci mvwisya, na inga wa Ci mvwisya, mubwini, a kunjila muli Ncico lomwe, ciindi cimwi, inga catandila kukutola ku Butamani, buyo a cintu boobo ca kukwempwa! A ku taciziba, alimwi buyo, oh, kuzwidilila mu zintu ezyo nzyo twakabona a kuziba a kumvwisya, a kweenda boonse canguzu ku ciindi comwe. I mwaalumi, na mwanakazi, musankwa, na musimbi, antela inga ba nyalumuna buyo maanza abo mujulu a kwaamba, “A tweende, Mwami Jesu,” nywebo mwabona. Oh, obo oora mbolili afwaafwi loko!

⁷¹ Musa kazi kuti waka zyalilwa bukanze obo, nkabela wakalanga aanze mu mpulungwido a kulangilila balo ba Hebrayo mbuli mbo bakali kubeleka cakupengana; waka bweeda kulanga awa mu Lugwalo, alimwi lwakati, “Elyo bayo enda myaka iili myaanda yone, mwabona, pele Njo bagwisya a janza lyanguzu.” Mpawo cindi naka joka, kumane kutumba, kunanikwa, wakalizi kuti wa kazyalwa. . . Elyo lusyomo lwakwe lwa kalanga, ku lusyomo wa kabona bantu abo a kuziba kuteeti bakali bana ba Leza, nkaambo nyika. . . i—i Ijwi Iya kaamba obo. Teebe kali ba nyika, alimwi tee bakali mbuli bamwi babo. Ba kali iimpene. Elyo bakali basizilengwa zyeenzu a basikwiindilizya, ku i—i bwebesi bwaatala bwa Egepita; alimwi wa keelede kuyooba mwana wa Farao, kweendelezya bwami, a kuba uutobela. Pele, walo, kwakali cintu cimwi kungsi muli nguwe, lusyomo i—i lwini olo lwa takalanga ku zintu ezyo, bwebesi obo mbwa keelede kukona. Wa kalanga ku cisyomezyo ca Leza, alimwi wa kalizi kuteeti ciindi cakali kuswena. Elyo ino muntu oyo nca keeled kuyeeya!

72 Ndi yanda ku cibandika kugozya a nguwe, buzuba bumwi, cindi Nda ku muswaana ku lubazu lumwi. Yebo wati, “Kunyongana, mukwesu!” Peepe, tacili obo. Ndiyo muswaana, ku luzyalo lwa Leza. Iiyi, munene. Njo bandika kuli nguwe, buzuba bumwi, Musa lwakwe. Elyo obo mbo ndinga Nda yanda ku mubuzya, nzila buyo, cindi na kabona kubambwa kwakwe!

73 Obo kunyongana, dyabulosi kaamba, “Pee, bantu taba kakusyomi pe. Huh-uh. Taakwe—taakwe cintu kuli eco.”

74 Pele cindi mbuto eyi niyakaba a Bumi kutala kuya, cintu cimwi caka muuma, elyo wa kaziba kuti kwakali cintu cimwi ciyo citika. Wa kalizi. Wakalanga ku nkoloko yakwe a kubo na cakali ciindi nzi, elyo wa kaziba, alimwi obo mbwa kayeeya mbuli mbwa kalangilila. Lino cindi na kabikka koonse oku antoomwe, cintu eci coonse cipati eco nca kabona; ciindi ca Lugwalo, mupailo wa banyina a bawisi, alimwi wa kazyalwa ku buzyalwe bweenzu, mwana uugambya. Alimwi, ciindi coonse, kwakali cintu cimwi kuya kungsi kwini kwamoyo wakwe.

75 Elyo eno wa kasobelela a kusola kuyeya kuteeti inga wa bweza kwiiya kwakwe kwa lumamba kuzwa ku cikolo cakwe, a kuvuna bana, nkabela eco cakakakilwa.

76 Mpawo wa kainka kutala mu nkanda a kukwata i—i musimbi mubotu muna Etiopia, nkabela ba kajisi musankwa muniini wakaulikwa kuti Gershomu.

77 Elyo buzuba bumwi kuciindi nakali kweembela butanga, mpoonya buyo wa kabona citeo ciyaka atala aampela lya cilundu, kaciyaka. Elyo wakainka kutala kuya. Elyo kutali bupampu, kutali i—alo manjezeezya, kutali buzumini bwalweeno, bucengi bwa kumeso kwiinda kububoneki, pele muli nguwe... Kwakali Leza wa Abrahamu, mu Mumuni, Musumpululu wa Mulilo kaindi mu citeo, oyo Mulilo, mbuli mayuwe kamwaika, pele taka nyonganya citeo. Elyo Jwi lya Lugwalo, Jwi lya Leza, lyaka kanana kwiinda muya, a kwaamba, “Nda kusala. Ndo nduwe muntu. Nda kakubusya ku bukanze obo. Ndili mukutondezya kuli nduwe awa, ku zitondezyo, kuteeti wiinka ku musanza kuyo vuna bana nkaambo Ijwi Lyangu lyelede kuzulizigwa.”

78 Oh, Ijwi Lyakwe lya buzuba obu lyelede kuzulizigwa. Tu pona mu oora. Takukwe makani eco kufumbwa muntu uumbi ncaamba; Ijwi lyelede kuzulizigwa. Majulu a nyika ziyoloba, pele kutali Ijwi Lyakwe.

79 Lino, cindi Musa naka bikka antoomwe coonse eci, a kubona ku nzila zyoonse, ca kananika lusyomo lwakwe. Amen! Oh, ma! Ino muzeezo! Eci, alikke, alikke kabona kuti Lugwalo lutondeka nkoonya kuli eco mbo cakabede, a kwaambaula zya Leza, a limwi citondezyo ca ncico kuya, ca kananika lusyomo olo ndwa kajisi muli nguwe, kuunka ku mulimo.

⁸⁰ Ino ceelede kucitanzi kuli ndiswe? Tu yandika lweempo. Tu yandika lubukulusyo. Nda amba lwangu. Mwabona? Ndi yandika kuzungaana. Ndi yandika cintu cimwi. Nda kati Nda liku lyaambauzya kuseeni kuno, na zya ndime. Ndi—Ndi—Ndi yandika i—i ku sinsimunwa.

⁸¹ Elyo cindi Nda yeeya zya citondezyo eco cipati, zintu zyoonse kazibambidwe kabotu maningi kuya, nkabela caka nanika lusyomo lwa Musa. Alimwi, ma, taakwe cintu na kabona kuya . . .

⁸² Awa, wa katija kuzwa ku Egepita, a, mubwini, na kakonzya ku talika i—i buzangi na cintu cimwi, alimwi na kakonzya ku—na kakonzya kubuka a kutalika lucinco lweebelezya lwa zintu mu Egepita, alimwi na kakonzya kweendelezya impi a kulwana, pele, nywebo mwabona, alimwi wakali jisi bali zyuulu zinji ku lubazu lwakwe. Pele mubusena bwa ceeco, wa kayoowa akwalo kucita eco, a impi ku lubazu lwakwe.

⁸³ Pele eno eno mpaawa wa joka, kumane myaka iili makumi one, myaka iili makumi aali lusele yakukomena, a kasako buyo mu janza lyakwe. Nkaambonzi? Eco cakali kupya kungsi kwa moyo wakwe ca kaba kasimpe. Wa kananikwa mpawo, alimwi wa kalizi kuti wa kajisi MBÜBOOBU MBWAAMBA I MWAMI. Kwakanyina cintu cakelede kumulesya eno. Ta kali kuyanda impi pe. Leza wakali a nguwe. Kwamana koonse nkwakali kuyanda; Leza wakali a nguwe.

⁸⁴ Oh, cindi wa ziba kuti Leza wakutuma kuyo cita cintu cimwi, nkabela wacibona ka cibeleva kuya buswena, taakwe—taakwe cintu biya cinga catola busena bwaco. Kwa mana.

⁸⁵ Nda yeeya ziindi eelyo Mwami taka ndaambila kujatikizya zintu zimwi zya keelede kuyo citika, alimwi mpawo Nde enda muni a kucibona ka cibambidwe mpoonya awo, obo . . . Oh, ino nku limvwa! I cimo cili ku bweendelezi kale, kwa mana, mwabona, nkaambo Leza wakaamba boobo.

⁸⁶ Nda yeeya, bunji bwanu mula yeeya, kujatikizya musankwa oyo muniini ka busigwa mu Finland, alimwi mpawo kuzwa ku bafu, waka jaigwa aa mootokala. Elyo Nda kaima kuya ku lubazu lwa mugwagwa, a kutalika kweenda kuzwa ku mwana oyo, a kunyona a kucebuka. Elyo cintu cimwi cakabikka janza lyaco ku ciwezo cangu, nkabela Nda kayeeya kuti wakali Mukwesu Moore, alimwi taakwe muntu wakali muni lyangu. Elyo Nda kacebuka, alimwi mpawo Nda kalungumana ku cilundu nce Nda kabona. Nda kati, “Ee, Nda bona kuti cilundu kubusena bumwi, pele tii twa kaboola nzila eyi. Twa kaboola nzila iimbi. Cili kuli cilundu eco?”

⁸⁷ Elyo Nda kalanga a kubona kootokala ako kunselelo kuya, kakapyayana bubyaabi; kabona musankwa oyo muniini kuya a kwakwe . . . kakkede kuya a—a kugelwa kwamasusu kwabufuba loko, mbuli mbo tunga twakwiita kuno. Meso a kanyona, mbuli

wa Mukwesu Way mbwa kabede buzuba bumwi cindi nakawa. Elyo tende liniini kalibbide mu sookesi, oko mauulu aakwe nkwa katyokede. Elyo bulowa kabuzwa mu meso aakwe, a mpemo, a matwi. A kubona bulukwe bwakwe, bufwaafwi abuniini; ka bwaangidwe aa nkopela, zyakwe, *kuno* a mbali lya lubazu lwa cibuno cakwe cinini; a masookesi aakwe masyoonto kasutidwe, mbuli masookesi malamfu kasutidwe kutala, mbuli mbo twakali kusama myaka minji yakainda.

⁸⁸ Elyo Nda kalanga koonse, elyo mpaawo mbubonya, mbubonya nzila Muuya Uusalala mbo waka ndaambila myaka yobile kacitanaba, cindi nywebo nyoonse nomwa kacilemba mu Mabbaibele anu ku cisi coonse, kuti ciyo citika. Oh, kuya, mpawo, ciimo cili afwaafwi. Takukwe makani obo mbwa fwide, takukwe makani eco kufumbwa muntu uumbi ncaamba; calo camana. Ule elede kubusigwa!

⁸⁹ Nda kati, “Ikuti na mwana oyu tabuki kuzwa ku bafu, mpawo Ndili musinsimi mubeji, Ndili muntu wa Leza uulungulula bubeji. Nkambo, mu nyika yakuzyalilwa, myaka yobile yainda, Wa ka ndaambila eci kuteeti ciyo citika. Elyo mbaabo bakutausi aba, a boonse, cili lembedwe ku mapepa aatakwecintu mu Bbaibbele lyesu, awa cili mbubonya buyo. Aamu cibale kuzwa ku mapepa aatakwecintu, obo mbo cinga ‘ciyooba mu cisi, mabwe aavumbene, a zimwi zimbi, ku jaigwa, alimwi kuba. . .kuba a kulubazu lwalulyo lwa mugwagwa.” Nda kati, “Nceeco we. Taakwe cintu cikonzya kucilesya. I ciimo cili kubweendelezi kale.”

⁹⁰ I lusyomo olo lwakali mukati ka moyo wangu lwa kananikwa. Oh, ikuti na ni Nda konzya kupandulula eco! I lusyomo olo Leza. . .Ndwe kajisi muli Leza, lwa kandaambila, alimwi talu konzyi ku kakilwa, ka ndaambila, “I ciimo cili kubweendelezi eno. Nceeci eco nce Nda ka kutondezya myaka yobile yainda, alimwi nceeci cili bambidwe biya mbubonya mu ncililano. I cintu buyo ncoelede kucita nkwaamba biyo ijwi.” Elyo musankwa muniini waka buka kuzwa ku bafu. Mwabona?

⁹¹ Nda kali kuyeeya, a kulanga kusule ku Mukwesu Fred Sothmann kakkede kuya, elyo Mukwesu Banks Wood a balo. I buzuba bumwi, kutala i—i Mugwagwamupati waku Alaska, nzila mbo Nda kaima kuya ku cikombelo a ku mwaambila nyoonse zya munyama oyo wakali kuboneka mbuli meja aa doe, mainci aali makumi one aabili, a masekese mupati uusalaluka. Ta ndina sikide kuya, a nzila kuti i. . .kuteeti Nda kali kuunka kuyo jana eci, a nzila mbo cakali kunga ciyooba, akuti mbangaye banooli a ndime, a nzila mbo bano samide. Nywebo muli cizyi, boonse bantu bali cizyi, imvwiki aa imvwiki kacitana citika.

⁹² Elyo kuya cindi ni Nda kanjila muya, mukuta ciziba, mpaawo kwa kakkede munyama. Elyo Nda kainka, alimwi—alimwi wa. . .cakali ciimo citakonzeki. Ikuti na muvwimi inga

waziba, na ku swiilila ku teepu eyi, nzila mbo takonzyi kweenda kumbele mu busyu bwa munyama, inga wasotoka a kuzuza. Pele ta kacita.

⁹³ Elyo mpaawo ula lengelela mu kampetu kangu ka kumbali. Mpaawo kulengelela masekese, mbubonya buyo mbokubede. Elyo i—elyo lula kaubikkidwe kuya, teepu yakweelekelela, ku tondezya kululama kwakwe. Elyo lwija luyo pusama nokuceya ainci obile na kwiinda, cindi noluli lupya aa munyama alimwi cindi lwa yuma, pele olu kwiina nilwa kapusama. Lu cili luleme maningi a mainci aali makumi one aobile. Mwabona? Ngooyo masekese uli bikkidwe, ulampa tukokola tuli ciloba, mbubonya buyo, a zintu zyoonse mbubonya mbo cakabede, kabikidwe kuya eno.

⁹⁴ Pele cindi muntu oyu nakaamba kuli ndime, “Lino, langa, Mukwesu Branham, tu jisi munyama oyu oyo ngo twa kali kubandika, pele wa kandaambila kuti inga uyo jana masekese mupati uusalaluka kotana kusika kungsi lya cilundu, kusule kuya oko basankwa nkobabede, ayooyo uujisi shaati lya girini.”

⁹⁵ Nda kati, “Ngu MBUBOBU MBWAAMBA I MWAMI. Leza wa kaamba boobo.”

⁹⁶ “Pele, Mukwesu Branham,” wa kati, “Nda konzya kubona zintu zyoonse koonse kuno, kwa mamaile, taakwe cintu pe. Nkokuli walo nkwatazwe?”

⁹⁷ Nda kati, “Eco tacili cangu kuti ndibuzye. Leza wakaamba boobo! Elyo Walo ngu Jehova-Jire. Ula konzya kuleta masekese awa. Wa kakonzya kubikka omwe kuya.” Elyo Wa kacita. Elyo ngooyo mbabede. Ngu ciimo cili kubweendelezi.

⁹⁸ Elyo cindi Musa nakabona kuti wa kakomezegwa ku bukanze obu, alimwi wa kaswaana busyu a busyu, Leza oyu mupati Oyo wakabamba kwitwa, aliwmi waka munanika a ku muzibya, a kwaamba, “Oku nkwiitwa kwako, Musa. Nda kutuma, alimwi Ndiyo kutondezya bulemu Bwangu. Elyo mpaawa Mpendi, mu citeo, ciyaka. Koya ku musanza kuya! Njo oba a nduwe.” Ta kayanda kasako akalo. Wa kajisi Ijwi, Ijwi lyaka simpikizigwa, alimwi mpaawo wakainka. Ca kananika lusyomo olo lwakali muli nguwe.

⁹⁹ Elyo cila tunanika cindi twabona kuteeti tu pona mu mazuba aa mamanino, ku jana kuti zitondezyo ezi zyoonse nzo tubona ka zicitika, zya kaambwa mu Lugwalo, kuti inga ziyo citika mu mazuba aa mamanino; nzila yoonse kuzwa ku Julu, kusika ku nguzu zya tunzenyu, a bupange bwa bantu, a kupotana kwa micito ya nyika, alimwi aakati ka banakazi, a nzila mbo bayo cita mu mazuba aa mamanino, anzila baalumi mbo bayo cita, a nzila mabungano mwayo cita, nzila masi mwayo cita, a nzila Leza mwayo cita. Elyo tula cibona ka cibambidwe koonse mpoonya awa aali ndiswe.

¹⁰⁰ Oh, cila nanika lusyomo lwesu. Cila tweenzya kubusena mu kucitika kupati kutobelana. Mwabona? Cila—cila twandaanya kuzwa ku zintu zimbi zya nyika. Mwabona? Takukwe makani obo mbo tuli baniini, na obo mbo tuli mubuce, obo mbo tusekwa, ku fubaazigwa, tacibambi lwandaano noluceya. Kwa mana. Tula cibona. Kuli cintu cimwi mukati kesu. Twa kakanzwa kubona oora eeli, nkabela kwiina cintu ciyo tulesya ku cibona. Ameni! Mpaawa Leza wa caamba. Ca—ca citika kale. Tula cibona. Oh, obo mbo tu lumba Leza nkambo ka ceeci! Oh, mpawo, ci yutula lusyomo cindi twa bona zintu ezi kazicitika kuno.

¹⁰¹ Lino, kuno lwabili tula bala kuti, “Musa wa keezezya kusampaulwa kwa Kristo kuba buvubi bupati maningi kwiinda lukono lwa Egepita.” Lino, wa keezezya i—i kusampaulwa kwa Kristo.

¹⁰² Lino amuyeeeye, “kusampulwa kwa Kristo.” Mwabona, kuli kusampaulwa mu kubelekela Kristo. Ikuti na ulisimpuwo loko ku nyika, nkokuti tokonzyi kubeleka, toli mukubelekela Kristo pe. Peepe, yebo tokonzyi. Nkaambo, yebo wabona, kuli kusampaulwa kwiinka aa Nkuko. I nyika lyoonse ilijisi kusampaula.

¹⁰³ Kaindi loko kuya, zyuulu zyamyaka zyakainda, kwakali kusampaulwa kwa kainka a Nkuko. Elyo Musa kuba farao, wa kali farao wakali kuboola uucilila, mwana wa Farao. Elyo wa kali kuboola kuba farao uucilila, kajisi luzyalo aakati ka bantu, alimwi kakuli wa “kaubausya . . .” Kweezezezya caamba ku—ku “lemeka.” “Wa ka lemeka kusampaulwa kwa Kristo kuba zintu zipati kwiinda zyoonse ezyo Egepita nzoya kali kukonzya ku mupa.” Egepita yakali mu maanza aakwe. Pele, nekuba, wakalizi kusala nzilaya Kristo kuti yakali ya kusampaulwa, pele wa kali kkomene loko kuziba kuti kwakali cintu cimwi mukati kakwe, eco caka mubamba ku lemeka kulanganya oku kwa Kristo, kusampaulwa kwa Kristo, mubwini, kuba kupati kwiinda bweebesi boonse obo mbwa—mbwa kali kweelede kukona. Wa kajisi lukono mukati kakwe oko kwakali kupati maningi kwiinda olo lukono lwaanze ndwa kamupede.

¹⁰⁴ Oh, ikuti na twa konzya kuba mbuli obo sunu, a kulekela Muuya Uusalala kunanika eco nco tu jisi mukati kesu, olo lusyomo, ku buumi bwa bunaleza, bwaka salazigwa kuli Kristo!

¹⁰⁵ Lino, a lusyomo luli boobo mbuli loolu ndwa kajisi, wa kaziba, alimwi wa kalemeka kusampaulwa oko kuba lulemeko.

¹⁰⁶ Sunu, muntu umwi inga wati, “Yawe, sa uli umwi wa bantu aaba, abo?”

“Uh, uh, ee, uh.” Yebo ufwidensoni aniini nkaambo ka ncico.

¹⁰⁷ Pele wa ka cilemekwa kuba lukono lupati maningi kwiinda nyika yoonse, nkaambo kakuti kwakali cintu cimwi muli nguwe eco cakali kukonzya kukanana a camba a kwaamba, “Iiyi, Ndi—Ndi lemeka eci. Eci cila lemekwa kapati. Ndili boteledwe kuba

umwi wabo.” Mwabona? “Ndili boteledwe kuli bala lwangu kuba mu Hebrayo a kutali muba Egepita.”

¹⁰⁸ I Banakristo sunu beelede kwaamba cintu nciconya. “Ndli boteledwe kuli langanya lwangu kuba Munakristo, ku lilesya ku zintu zya nyika a bweende bwa nyika. Kutali buyo kuba simbungano, pele mbuli Munakristo waka zyalululwa oyo uupona mbuli Lugwalo. Nekubakuti Nda itwa, akwalo kuli basimbungano ba cikombelo, ‘i sikwiindilizya,’ nekubaboobo Njo—Njo—Njo ezezya kuti cintu ncipati—ncipati maningi kwiinda kuti Nda kali muntu simpuwo maningi mu dolopo na mu cisi. Inga ndasala eco kwiinda Muleli wacisi ca United States, na—na mwaami weendelezya nyika. Nywebo mwabona? Ndi—Ndi ezezya eco kuyandika loko, nkaambo Leza mu luse Lwakwe, kuzwa kumalengelo aa nyika—nyika, waka ndibona, alimwi—alimwi kubikka mbuto niini mukati muya, kuti lusyomo lwangu inga lwauluka aatala lya zintu ezi zya nyika. Elyo eno Wa kandiita, nkabela Ndi—Ndi lemeka busena bwangu.”

¹⁰⁹ Mbuli Paulo mbwakati, wa kalemeka mulimo wakwe aatala. . .mwabona, elyo, oh, oyo Leza waka mwiita kuzwa ku kuba mwiiyi mupati mbuli Gameliyeli. Pele Paulo wakaitwa kuba cituuzyo ca Kristo. Mwabona? Lino ncintu nciconya.

¹¹⁰ Amubone, a lusyomo luli boobo, kwiina na kayaama kubube bwa kubona kwakwe, eco nca kali kukonzya kubona. Lino, kwiina nca kabona kubusena kuya pele nkamu ya—ya bantu bakanda madaka, bazike, mu ntolongo, kaba jaigwa mazuba oonse, kuumwa a mikkwilo, ku fubaazigwa, buzumini bwa bukombi bwabo, bakali “basikwiindilizya.” Elyo kwakali farao wakakkede aa cuuno cabwami, oyo watakali kulemeka kufumbwa cintu cijatikizya bukombi bwabo. Taakwe cintu nca kazyi a ncico. Wa kali muhedeni, aboobo wakali buyo. . .Ino ncifwanikiso sunu! Elyo nceeco we, bukombi bwandene. Elyo nzila ca kuti—kuti Musa oyu, kacili mu cuuno nciconya a muleli, na i—na i muntu mupati, Farao, kubweza busena bwakwe aa kufwa, alimwi wa kali muntu uucembeede. Elyo nekubaboobo Musa waka yeeya kuti kwiitwa oko. . . Wa kalanga aanze kuya, alimwi mpulungwido njiyonya eyo Farao nja kalangila aanze, nkaambo wa kali mu ng’anda yakwe.

¹¹¹ Elyo Farao wakalanga aanze a kubona bantu abo kuti bakali kunyamuna maanza abo mujulu, alimwi bakali kunga babweza mukkwilo a ku banabba ca lufu nkaambo bakali kukomba. Ba kabayasaula panga nkaambo baka kacilwa akwalo, kuswiilila ku ciindi cili coonse, a kubabamba kubeleka mane mibili yabo miniini yakale yakali kunga ya yabaala, a kubapa kuniini kwini kwa kulya. “Ee, tii bakali cintu pe pele nkamu ya basikwiindilizya, kutali abantu nokuceya.”

¹¹² Elyo nekubaboobo Musa, lusyomo olo muli nguwe, wakalanga aali mbabo, nkabela wa kati, “Mbantw ba Leza

balelekedwe.” Ameni. Nda botelwa eco. A lusyomo luli boobo, meso aakwe kwiina nakawida a bweebesi bwa Egepita, a kawida aa cisyomezyo ca Leza. Meso aakwe aa sikwaze akabona kwiindilila bweebesi bwa Egepita. Walo, amuyeeye, uli mukuba sikwaze eno. Ngu musinsimi, nkabela meso aakwe aa sikwaze alaya aatala lya zintu ezyo. Oh obo mbo Ndi botelwa eco! Huh! Ma!

¹¹³ Nzila kanjikanji sunu, sunu, Banakristo bayaamina ku magano aabo, a ceeco nco bakonzya kubona, na eco nco bakonzya kumvwisya, mu busena bwa lusyomo, ku yaamina aali eco ncobona a meso aako abweebesi. Mbuli ndinywe no banakazi, lyoonse Nda iita kuli ndinywe, kujatikizya kuti mweelede kulekela masusu aanu kukomena, ta mweelede kunana misila, mweelede kulilemeka mbuli balindu a Banakristo. Mweelede kusondela mu kagwagwa a kubona banakazi sunu mbo basama cabwaamu. Ee, yebo wayeeya, “Ee, uzulilwa ku mbungano, nkaambonzi ta Ndi konzyi kucicita?” Mwabona? “Elyo ulagela masusu aakwe, nkambonzi—nkamboonzi ta Ndi konzyi kucicita? Ee, uboneka buyo kuba mubotu buyo alimwi kunji mbuli sibupampu, a ciimo cabuntu cibotelezya eco nce Ndi tajisi. Ee, nkaambonzi ta Ndi konzyi kucita eco? Nde elede ku cicita.” Cindi wa cita eco, yebo ulebula lusyomo lwako. Mwabona? Yebo topi lusyomo lwako ciindi cakukomena. Talikila aali eco, mbuli mbo Nda amba.

¹¹⁴ Muntu umwi wakati, “Mukwesu Branham, cisi, bantu, bakulanganya mbuli musinsimi. Yebo toelede kuno bwekela banakazi mbuli obo, a baalumi, nkambo ka zintu ezi. Yebo, yebo weelede ku bayiisya nzila yaku—ku sinsima a kutambula zipego zyabo.”

¹¹⁵ Nda kati, “Mbobuti mbi Ndi konzya kubayiisya zya nombolo kakuli tabazi akwalo ima ABC abo?” Mwabona?

¹¹⁶ Lino amu talikile awo. Amuli salazye kutegwa cindi mweenda kuya mu kagwagwa mwa boneka mbuli Munakristo, munzila ili yoonse, mwabona, alimwi mpawo kamuya kamuli lemeka mbuli umwi. Mwabona? Elyo ta mukonzyi kucicita muli ndinywe lwanu. Kweelede kuba Kristo uboola mukati kanu. Elyo ikuti na mbuto eyo iibambidwe awo, nkabela Mumuni wayuuma, iyo boola ku Buumi. Ikuti na tali booli ku Buumi, kwakanyina cintu’nya ca kuboola ku Buumi. Nkaambo, cila tondezya masimpe aali bamwi, mwabona, ila boola ku Buumi cakufwaambana Mumuni wakatalika buyo kuuma.

¹¹⁷ Oko nkutapatilwa ku banakazi, Ndi lizi, abo baswiilila ku teepu eyi, na bayo iswiilila. Kwalo nkutapatilwa kuli nduwe, mucizi. Ku leelede kuba. Ku leelede kuba, nkaambo cila tondezya. Ta ndikwe makani eco nco kacita; antela wakali sibukombi, buumi bwako boonse, antela wa kaponu mu mbungano, bauso ndiza kabali mukambausi, na mulumi wako

inga kali mukambausi; pele kufumbwa kuti ko taswiilili i—i Ijwi lya Leza, cila tondezya kuti kwiina Buumi muya pe. Cindi wabona cintu catondezegwa, alimwi Buumi bwa Muuya Uusalala, wa Li langilila ka Lyu uma bamwi. Mwabona eco nco licita, ikuti na Lya buleta aali mbabo. Ta cigambyi kaambo. . .

¹¹⁸ Ino i—i nkutapatilwa ku ba Farisi abo, abo bakaita Jesu, cindi Na kakonzya kuziba mizeezo yabo, Wa kabaita, “Beezebule.”

¹¹⁹ Elyo muvuule oyo muniini wakati, “Nkaambonzi, oyu Mulombwana ngu Mesiya. I Lugwalo lu laamba Uyo cita eci.” Mwabona, eyo mbuto yakakanzwa yakali kkede awo. Elyo cindi Mumuni niwa kayuuma, ya kaboola ku Buumi. Yebo tokonzyi kwiidyaminina kuti itameni. Yebo tokonzyi kusisa Buumi.

¹²⁰ Yebo inga wabweza a kutila samende aa cilwi ca bwizu, a kubujaya mu ciindo ca mapeyo. I ciindi cabutoolo citobela, mpaali bwizu bwako mpo buli bunji? Nkoonya kumamanino kuzunguluka samende. Nkaambo, mbuto eyo ya kamena kungsi lya bbwe elyo, cindi zuba lya bala, to konzyi kwiilesya. Iyo yenda cakupilingana munzila yayo kazunguluka kwiinda muya a kuzwa ku mamanino a ceeco a kuyunya mutwe wayo ku bulemu bwa Leza. Mwabona, yebo to konzyi kusisa buumi. Cindi zuba lyauma buumi bwa masamu, bweelede kupona.

¹²¹ Elyo cindi Muuya Uusalala wauma Buumi bwa Lugwalo buli mu muntu, buzuala mucelo mpoonya awo. [Mukwesu Branham wanontola kanwe kakwe—Mul.] Mwabona?

¹²² Aboobo kakutakwe kulanganya obo mboli bwini a kusyomeka, obo mbo waamba kuti toli obo, a kwaamba, kuteeti ba kali. . . Aba banakazi basama zikobela ezi—ezi zibbi a zintu ku masena kuya, nkulilemeka buyo kwa cisapi kwa lyonse, kwa mu kagwagwa. Nekubakuti, to syomi kuti mbobede, to konzyi kulibamba kusyoma. Inga watondezya kuti tokwe kaambo ka bumambi, pele, mu Bbuku lya Leza, yebo ucita bumambi. Jesu wakati, “Kufumbwa muntu uulanga mwanakazi caku musukama, wacita kale bumambi mu moyo wakwe.” Nkabela yebo walipa mu cianza eco. Mwabona, yebo tokonzyi kucibona citakuti Buumi obo buli lede awo.

¹²³ Yebo walanga muntu umwi uumbi, yebo walanga a kwaamba, “Ee, Ndi muzyi Mucizi Jones. Mukwesu Jones ngu. . . Walo mukambausi. Mukaintu wakwe ucita eci a kucita eco.”

¹²⁴ Ta ndikwe makani eco ncacita; Eeli ndi Ijwi. Jesu wakati, “Majwi oonse aa muntu abe bubeji, kwalo Angu abe bwini.” Ndi Bbaibbele. Elyo cindi Mumuni oyo wa cuuma ncobeni, ceelede kuboola ku Buumi. Ci leelede kuboola ku Buumi.

¹²⁵ Lino, liso lipati lya Musa, liso lyakwe lya sikwaze, lya kalanga kwiindilila bweebesi bwa Egepita.

¹²⁶ I musyomi Munakristo wini sunu, takukwe makani eco mbungano nco yaamba, eco kufumbwa muntu uumbi

ncaamba; cindi Mumuni oyo wauuma, bala bona nkukonya kusimpikizigwa kwa Leza, oyo Musumpululu wa Mulilo kaulengelela kuya, a zitondezyo a zigambyo zyaka syomezegwa, Lugwalo kalukkede, nkabela lwaboola ku Buumi; takukwe makani obo mbocili ciniini, alimwi obo na bali mbongaye mubusyoonto. Nkamu ya Leza lyoonse iili mubusyoonto. Mwabona? “Uta yoowi, o katanga kaniini—kaniini, nkuyanda kubotu kwa Uso wanu ku mupa Bwami.” Mwabona? Bala cijata. Leza uli sinikizidwe kuba tuma mukati kuzwa ku tubungwe toonse, bweende boonse ku masena oonse, ku Ci bona, ikuti na bali salidwe ku Buumi.

¹²⁷ Amulange kuli Simioni mudaala, wakasalidwe ku Buumi. Cindi Mesiya naka njila mu tempele, mucimo ca muvwanda mu maboko aa banyina; Simioni, kusule kanjila mu kaanda kubusena bumwi, kabala. I Muuya Uusalala waka munyamuna, nkambo wakali kulindila. Obo Buumi bwakali muli nguwe. Wa kati, “Ta ndi kafwi mane Nka bone Kristo wa Mwami.” Elyo mpaawo kwakali Kristo wa Mwami mu tempele. I Muuya Uusalala waka musololela kuzwa ku mulimo wakwe, kubusena, nkabela wakeenda kunselelo kwiinda kuya a kubweza muvwanda oyo, a kwaamba, “Koleka i—koleka i mulanda Wako ainke mu luumuno, nkambo meso angu abona lufutuko Lwako.”

¹²⁸ Kwakali mwanakazi moofu mucembele wakali mu kkona, wa zinalya Anna, oyo wakabelekela Mwami isikati a masiku. Awalo wakali kwaamba zya kumbele, a kuti, “I Mesiya ula boola. Nda Mu bona kaboola.” Nekubaboobo, wa kali moofu. Ku ciindi eco nciconya, cindi Na kaliko. . . Obo Buumi buniini bwakali muli nguwe, ob bwakali kwaamba zya kumbele, “Ci yooba ko! Ci yooba ko! Ci yooba ko!” Mpawo, Buumi obo mbubonya, Mumuni wakanjila mu buyake, mu ciimo ca Muvwanda, mbuli “mwana wa musokwe,” kavumbidwe mu zisani Zyakwe zyakuvungaila, kaboola kwiinda mu buyake. Elyo Muuya Uusalala wakauma mwanakazi oyo mucembele, nkabela wakaboola kwiinda ku Muuya, kasololelwa kwiinda mu bantu, a kwiima aatala lya Muvwanda oyuu; a kuleleka banyina a kuleleka Muvwanda, elyo wakaamba eco ciyooba kumbele ca Nguwe. Mwabona, kasalidwe ku Buumi! Mwabona?

¹²⁹ Amu balange, tee bakali banji balo. Ba kali buyo bantu bali lusele mu buzuba bwa Nowa, tiiba kali bantu banji maningi, pele boonse abo bakasalidwe ku Buumi bakanjila mu ciindi eco. Amubone obo Muuya Uusalala mboueleka mu bukkalo abukkalo, kukwela bantu.

¹³⁰ Lino tu jana kuti lusyomo lwa Musa lwaka musololela kulanga eco ciyooba, kutali eco mbo cakabede. Amulange kwa juunza mu busena bwa sunu. Amulange ku cisyomezoyu mu busena bwa bweebesi. Amulange ku bantu mu busena bwa kabunga. Mwabona? Leza wakacita eco.

¹³¹ Lota waka konzya kubona bweebesi bwa kusumpuka ku musanza mu Egepita, na ku musanza mu Sodoma. Lota waka konzya kubona ciimo cakukonzeka kwa i—kwa i. . . kwa bunji bwa—bwa mali. Lota waka konzya kubona bwaa-. . . ciimo cakukonzya ku cindi na kalanga kutala ku Sodoma alimwi wa ka konzya ndiza kuba. . . Mbokunga wakali mu Hebrayo, antela inga waba muntu mulemu kuya, nkaambo wakali nkalakata yabuleya mpati ya bupampu, alimwi mujwa wa Abrahamu, aboobo wa kasala kuya ku Sodoma. Bupampu bwa Lota mbwa kamusololela kubona bweebesi bwa—bwa lusumpuko. Bupambu bwa Lota mbwaka musololela kubona bweebesi bwa—bwa lusumpuko. Pele, lusyomo lwakwe lwaka lebulwa loko kuli ncico, taa kabona mulilo oyo wakeelede kuyo nyonyoona musyobo oyo wa buumi.

¹³² Elyo eyo nje nzila bantu mbo babede sunu. Bala bona ciimo cakukonzya ku kuzulilwa ku kabunga kapati, bala bona ciimo cakukonzya kuba abwiime butambulika kubuleya bwa dolopo, pele taba konzyi kubona kukonze-. . . Taba boni lusyomo lwabo kalu lebuka. A ndi lololle eco kutegwa muta ndimvwisiyi bumbi. Banakazi sunu, bali, mbuli mbo Nda amba, ba yanda ku—ba yanda kulilemeka mbuli basimisobano bamu zipekupeku. I baalumi sunu bayanda kulilemeka mbuli basikudana bamu zipekupeku.

¹³³ I bakambausi sunu baboneka kuyanda kubamba mabungano abo mbuli ziyusilo zimwi zya zilengwa zyasunu zya musyobo umwi, bumembala a zimwi zimbi. Bala bona ciimo cakukonzya ndiza bwa kuba bishopo na mulinguzi wakonse, na cintu cimwi mbuli eco, ikuti na beenda antoomwe a mbugano; kusiya Magwalo, kakuli Cili bikkidwe nkoonya kumbele lyabo, a kusimpikizigwa kumaninide kwiinda ku Nguzu zya Leza, a kwiinda ku Ijwi lya Leza muumi kaponu mu bantu. Nekubaboobo, taba Li yandi pe. Ba laamba, “Ta tuyandi ku sangana a cintu cimwi mbuli Eco.” Inga caba nyanzya kkaadi lyabo ilya luswaanano. Inga catola malailile abo aa kabungwe. Nekubaboobo mbantu basyomeka, mbuli Lota, kakkede kunselelo mu Sodoma, kazi kuti eco cili lubide. Mwabona? Mwabona? Ino bacitanzi cindi bacita eco? Ba lebula lusyomo luniini ndo bajisi. Ta lukonzyi kubeleka.

¹³⁴ Lino, Musa waka lekela eco, nkabela waka kkala. . . lusyomo lwakwe lwa kalebula nyika.

¹³⁵ Alwalo lusyomo lwako luyo lebula bweebesi, na bweebesi buyo lebula lusyomo lwako. Lino, weelede kubweza comwe na cimbi. Alimwi weelede kubona kuti Bbaibbele talisanduki pe. Leza tasanduki pe. Ngu Leza uutasanduki.

¹³⁶ Elyo lino tu jana kuti, sunu, bantu basunu, mwabona, ba langa ku zintu zipati, kabunga kapati. “Ndi zulilwa kuli *Boobu-a-boobu*.” Mwabona? Elyo bala inka kunselelo kuya, a,

kulanga, kwiina lwandaano kuzwa ku bantu bamu tugwagwa. Kwiina zintu zimbi. Ba jisi cintu cimwi cabupampu cisyonto, a kuzumanana. Cindi waambaula kujatikizya kuponesegwa kwa Buleza, Musumpululu wa Mulilo, Mumuni wa Leza, ba laamba, “Oko nkusondoka.”

¹³⁷ I muntu wakabweza cifoto ca Angelo wa Mwami, buzuba bumwi, mukambausi wa Baptisti, a ku Ci seka. Mwabona, oko—oko nkusanka. Mwabona? Kwiina kujatilwa kuli eco.

¹³⁸ Eco ncencico Jesu nca kaamba, mwabona. Kwalo nkusanka; cindi wa Ci bona kacicita milimo njionya eyo Kristo nja acita. Elyo Wa kati. . . Cindi, ba kubona eyo milimo muli Kristo, Wa kali Cituuzyo, nkabela baka Mwiita kuti “Beezebule, i dyabulosi,” nkambo, ku kaambo kakuti Wa kali kucicita. Elyo eno ba amba. . . Wa kati, “Nda mujatila kuli ceeco. Pele cindi Muuya Uusalala wasika kucita cintu nciconya, nywebo muka Usa mpaule, ta kuka jatilwi kuli ndinwe, mu nyika eyi na nyika iiciza.” Mwabona? Ibbala buyo lyomwe nku koonse koelede kwaamba ku Li sampaula. Mwabona? Elyo mpawo. . .

¹³⁹ Nkaambo, ikuti Buumi obo, ikuti na mwaka salwa ku Buumi Butamani, nkokuti Buumi obo inga bwazula loko cindi wa Bu bona. Yebo inga wa Bu ziba, mbuli mwanakazi muniini ku mukalo, alimwi—alimwi a bamwi bandeene. Pele ikuti na ta buko, ta bukonzyi kuboola ku Buumi, nkaambo kwiina cintu ciliko muya ca kuboola ku Buumi ancico. Mbuli baama bacembele mbo bakali kunga balaamba, “Tokonzyi kujana bulowa kuzwa kuli ntinde,” nkaambo kwiina bulowa muli ndilyo. Lino, eco nce cintu nciconya.

¹⁴⁰ Elyo ku lebula lwalo lusyomo luniini ndo jisi. Lota wakali kukonzya kubona bweebesi, pele taka jisi lusyomo lweelede kuti abone mulilo oyo uyo nyonyoona bweebesi obo.

¹⁴¹ Nda yeeya ikuti na tuli jisi sunu? Nda yeeya ikuti na swebo, ee, mbuli banakazi abo bayanda kuba basimpuwo, abo bayanda kulilemeka mbuli i—bamwi banakazi mu cikombelo, ikuti na ba bona bayanda ku—ku lilemeka mbuli bamwi. Bala—bala konzya kubona ciimo cakukonzya kuba i—i—i mwanakazi mubotu maningi, kwiinda mukunanikwa misila. Bala konzya kubona mwanakazi mubotu maningi kwiinda ku kuba a ciwa cabwana, kwiinda mu kugela masusu abo a kulilemeka mbuli bamwi bambi, na sikusangabalisya wempuwo wa muzipekupeku. Pele Nda yeeya ikuti na eco tii calebula lusyomo lwabo, kuziba kuti Bbaibbele lya kaamba kuteeti, “mwanakazi oyo uucita eco wakauba-. . . mwanakazi wakaubauka,” alimwi, “mwanakazi oyo uusama zisani zya baalumi, ncisesemyo kubusyu bwa Leza,” tulukwe, azimwi zimbi, a tubbudula oto ntobasama. Elyo—elyo ciba cisutila buyo loko kusikila caba cilengwa calyonse ica bantu kucicita. Nda yeeya ikuti na tazi lebuli ndulonya lusyomo luniini

lwalo ndo mujisi, akwalo kuya ku cikombelo, nywebo mwabona. Eco nce cintu nco cicita.

¹⁴² Lota waka cita eco, elyo caka mulebula, alimwi caka lebula bantu bakwe kuselelo kuya. Tiiba kakonzya ku cibona.

¹⁴³ Pele Abrahamu, kajisi i—i lusyomo lwaka simpikizigwa, siminzyaakwe, ta kalanga ku bweebesi, ta kali kuyanda cintu cakucita a ncico, nekubakuti wakapona canguzu a kuli ponena mwini. Elyo Sarah wakali kupona kubusena bwa mu nkanda oko kwakali buyumuyumu, aa nyika iita cizyali. Pele tiiba kabona bweebesi na ciimo cakukonzya kuba basimpuwo.

¹⁴⁴ Sarah, mwanakazi mubotu maningi mu cisi, Bbaibbele lya kaambo obo. Waa kali mweebesi, mweebesi loko wa banakazi boonse. Elyo lino akwalo waa kakkala a kuswiilila mulumi wakwe, akwalo waa mwiita kuti “mwami,” wakwe oyo Bbaibbele ngo lyaamba, kumwventauzya kulaale kuya mu—mu Cizuminano Cipy; kati, “Nywebo nomuli bana bakwe basimbi, kufumbwa bati ka muswiilila lusyomo.” Mwabona, wakaita mulumi wakwe kuti “mwami.”

¹⁴⁵ Elyo Angelo wa Mwami waka swaya tempele lyabo... na tente lyabo liniini kubusena kuya, a kubaambila. Taba jisi akwalo ng’anda yaku ponena; kabapona kuya mu inyika zitazyali. Nkabela nceeco we. Nywebo mwabona buzuba bwa kozyanisigwa alubo, mbubonya buyo mbo kwakabede kaindi?

¹⁴⁶ Lino, Musa a lusyomo lwakwe lupati, alubo, waka konzya kuteeti “peepe” ku zintu zya ciindi eco zyanyika ya ciindi eco, a kubamba kusala kwa bululami. Wa kasala kuba mu mafwabi a bantu ba Leza. Wa kasala kwiinka a njiyo. Nkaambonz? Lusyomo lwakwe! Wa kabona cisyomezyo. Wa kabona ciindi caku mamanino. Wa kabona kulaale kuya kwa juunza, nkabela wa kaangulula lusyomo lwakwe. Alimwi kwiina nakabikkila maanu kuli eco meso aakwe nca kabona mu ciimo cakukonzya kuno, kuti wa kali farao alimwi wakali kuyooba farao. Wa kalanga kuya kulaale muli kwa juunza.

¹⁴⁷ Oh, ikuti na bantu bakonzya buyo kucita eci, kutabona nyika ya ciindi eci. Ikuti na wa langa ku nyika ya ciindi eci, ula bamba kusala a njiyo. Kosisa meso aako kuzwa kuli eco, a kulanga ku cisyomezyo ca Leza, kuya kulaale muli kwa juunza.

¹⁴⁸ Ku lusyomo lwakwe waka konzya kusala. Wa kasala kwiitwa kuti mwana wa Abrahamu, a kukaka kwiitwa kuti mwana wa Farao. Ino nakaba buti, kakuli bwami boonse... Egepita yaka zunda nyika. Wa kali mwaami wa nyika, alimwi wakali mwaalumi mukubusyi wa myaka iili makumi one yakukomena, kuno kali bambilide kukona cuuno cabwami. Pele kwiina nakalanga kuli bwakwe bupa-... .

¹⁴⁹ Amulange ku banakazi bakali nomu zungulikide koonse, buzuba a buzuba, banakazi balo. Amulange ku bweebesi; kukkala a kunywa waini, a kulangilila kulisangabalisywa kwa

zisapi kumbele lyakwe, mbuli mbo bakali kuzyana, a ku muvupaula a . . . Elyo banakazi kuzwa ku nyika yoonse, a mabwe mayandisi a zintu ziyandisi, impi yakwe kubusena kuya. I cintu buyo cakali kucita nkukkala a kulya cakulya cakwe cibotu, a kwaamba, “Kotuma i . . . kotuma mweelwe wankamu zya basilumamba uuli *boobu-a-boobu* kunselelo kuli *boobu-a-boobu*, mweendelezwe cisi eco. Nda syoma Ndi ciyanda buyo.” Nku koonse nkakali kukonzya kucita. Kukkala kuya, nkabela balo kaba muvupauzya, a kwaasamuna mulomo wakwe; kulekela i—i kuzyana kwacisapi kukwelelezya, kweebeka kwa buzuba obo, kutila waini mu mulomo wakwe, kumu sanizya cakulya cakwe a maboko aabo kaba mubukate, banakazi boonse babotu maningi mu nyika. Bweebesi boonse obo bwakaliko, bwakali kkede kuya munsu lyakwe.

¹⁵⁰ Pele waka citanzi? Wa kafutatila eco. Wa kalizi kuti mulilo waka bambidwe nkambo ka eco. Wa kalizi kuti lufu lwa kalibabidwe mu nzila eyo. Mwabona? Wa kalizi kuti mbo cakabede. Elyo wa kalangalanga kuya ku nkamu ya bantu baka sampaulwa a kukakwa, nkabela ku lusyomo wa kasala kupenga kusampaulwa kwa Kristo, a kuliita mwini, “Ndili mwana wa Abrahamu. Ta ndili mwana wa farao oyu. Nekubakuti undibambe kuba bishopo, na daikona, na archibishopo, na pope, ta Ndili mwana wa cintu eci. Ndili mwana wa Abrahamu, a kulyandaanya lwangu kuzwa ku zintu zya nyika.” Ameni, ameni, alimwi ameni! Ku lusyomo, ka cita eco!

¹⁵¹ Wa katantamuna bweebesi. Wa kagwisya ciimo cakukonzya kuba bishopo uuccilila, wa kagwisya i—i ikukonzeka kwa kuba archibishopo uuccilila, na mulinguzi wakonse uuccilila ku kusalwa kuccilila, na kufumbwa mbo cakabede, wa gwisya ezyo. Wa kakaka kulanga eco.

¹⁵² “Lino, ikuti na Nda ba bishopo, Njo enda mukati a bantu kwaamba, ‘Taata Uusalala,’ na—na ‘Mwiiyi *Niini-a-niini*,’ na—na—na—na ‘Mwaalu *Niini-a-niini*.’ Nzila njo bayocita, bakambausi boonse ku kubungana, bayo nduumauma kusule, a kwaamba, ‘Kwaamba, mulombe, oyo mulombwana ujisi cintu cimwi, Nda kwaambila. Oh, shi-shi-shi, ko umuna, ngooyo waboola bishopo, mwabona. Eco ncaamba, oyo mulao. Mwabona, ngooyu waboola *Niini-a-niini*.’” Bantu bayo uluka aatala lya nyika kuba i . . . mwabona pope, a kumyonta tende a nwenwe, a zimwi zimbi. Nzila, ino nciimo cakukonzya kuba muna Katolika, ino nciimo cakukonzya kuba muna Protestanti, kuba bishopo na mulinguzi wakonse, na cintu cimwi, muntu umwi mulemu mu kabunga.

¹⁵³ Kulanga, nekuba, pele, nywebo mwabona, liso lya lusyomo lulanga kuya aatala lya ceeco. Elyo ula bona mamanino aaco kunselelo kuya, calo, Leza ncaamba cintu coonse ciyo nyonyoonwa. Lusyomo, liso lya sikwaze, lila kunyamuna aatala

lya ceeco, nkabela ula bona juunza, kutali sunu, a kusala kwiitwa kuti mwana wa Abrahamu.

¹⁵⁴ Farao, katakwe lusyomo, waka bona bona ba Leza kuba “basikwiindilizya.” Kutali lusyomo, wa kabamba kuba bazike nkaamb ta kayoowa eco nca kaamba. Ta kayoowa Leza. Wa kayeeya kuti wa kali kaleza. Wa kayeeya kuti tuleza twakwe—twakwe, kuti wa kali bishopo, wa kali mweendelezi mulinguzi wakonse, tuleza twakwe ntotuto twaka cicita. “Taakwe ku Cintu eci *awa*,” aboobo waka bamba kuba bazike. Wa ka baseka, kaba fubaazyza. Buyo mbuli bantu mbo bacita sunu, cintu neiconya mbubonya.

¹⁵⁵ Lusyomo lwa Musa lwa kababona mu nyika ya cisyomezyo, bantu balelekedwe. Inga yaba nkondo numu ya kubasisya ku cisyomezyo, pele Musa wakasala kuunka a mbabo. Obo mbo Ndi konzya kusimpika eco, ciindi cangu ciya buloboka. Mwabona?

¹⁵⁶ Amubone, inga caba cintu ciyumu kunyona bantu abo. “Yebo weelede kuunka koli muumi a mbabo, yebo weelede kuba umwi wabo, alimwi bali kale basibupampu loko cakuti tokozyi ku beenzya. Mwabona? Pele kweelede kuba cintu cimwi cicitika kubusena kuya. Kweelede kuba cigambyociinda citondezegwa kumbele lyabo. Ci yooba cintu ciyumu. I tubunga tuyo kukaka, nkabela zyoonse zintu ezi ziyo citika. Cila—cila yoosya, eco nco elede kucita, pele nekuba kobamba kusala kwako.”

¹⁵⁷ “Ndili umwi wabo.” Inzya. Lusyomo lwakwe lwakacita eco. Lusyomo lwakwe lwakayaka. Iiyi, munene. Wa kacibona. Ca kali cintu ciyumu kuba sisya ku cisyomezyo eco, pele wakabamba kusala kwakwe kwa kuunka a mbabo, munzila iili yoonse. Kakutakwe kubikkila maanu kuli eco nco bakamucitila, a eco ncoba kamukakila, wa kainka munzila iili yoonse. Wa kali kuunka ku busena a mbabo.

¹⁵⁸ Lino Nda syoma mula bala. Ncibotu. Koya ambabo, munzila iili yoonse. Bamba, koba umwi wabo, mbo mbubo, nkaambo mulimo wako. Inga kwaba kulwana kwanguzu, a kunji kwa kupenga, pele koya munzila illi yoonse.

¹⁵⁹ Pele lusyomo lwakwe lwaka musololela ku kubamba kusala Ijwi, a kutali bweebesi. Wa kabweza Ijwi. Eco ncencico lusyomo lwa Musa nco lwakacita. Cindi lusyomo lwalanga ku babi kwiinda iba Leza . . . Amuyeeye, mpaawa kwakali bweebesi lino, i nyika, yiinda maningi, mwaami wa nyika. Elyo bakali kuli baka syomezegwa aa Leza? Mu cidindi ca daka, basikukanda daka.

¹⁶⁰ Pele cindi lusyomo, lwa langa ku babi kwiinda iba Leza, lula ceezezya kuba cipati loko a ciyandisi kwiinda bubotu bwiinda nyika mboyi konzya kutondezya. Iiyi, munene. Cindi lusyomo lwa langa kuli neico, cindi lusyomo lwa konzya kucibona, cindi lusyomo mu Ijwi lwakonzya kubona Ijwi lya yubununwa, cila iindilila ku bweebesi boonse a buarchibishopo a zintu zyoonse zimbi nzo konzya kwaamba. Lusyomo lula

cicita. Mwabona? Inga wabona babi kwiinda, basampaulwa, bakakidwe, kufumbwa cintu mbocinga caba; kucilekela kuba ku bubi bwiinda bwaco, alimwi nekuba lusyomo luyo eezezya kuti mamaile aali milioni aatala loko kwiinda bubotu bwiinda bwa nyika mbo bukonzya kutondezya. Ameni! Eyo nje nzila mbo twiimba nyimbo eyo, “Njo sala nzila a basyoonto basampaulwa iba Mwami.” Mwabona? Oh, ma!

¹⁶¹ Nkaambo, nywebo mwabona, lusyomo luboona eco Leza nca yanda kucitwa. Oh, Nda syoma eci cilamvwana. Lusyomo ta lulangi ku ciindi eci ciliko. Lusyomo talu langi eci *awa*. Lusyomo lulanga kuli eco Leza nca yanda, nkabela lula beleka mbo kweelede. Eco ncencico lusyomo nco lucita. Lu bona eco Leza nca yanda, a ceeco Leza nca yanda kucitwa, nkabela lusyomo lula beleka kwiinda muli eco.

¹⁶² Lusyomo ncilengaano cibeleda ku zintu ziciza. Ta lusesyi bube bwakubona kwaco. Cila jatilila ku mbaakani yaco. Ameni! Kufumbwa muvwimi mubotu ulizi eco. Mwabona? Kuti, ncintu cibeleda ku zintu ziciza. Ni—ni telesikkopu. Ni bbainokyula, yakuti tolangi abusena *awa*. Yebo tobelesyi ku langa mabbainokyulasi kubona obo ciindi mbo cibede; mwabona, yebo tobelesyi eco. Pele ubelesya bbainokyulasi kulanga kubusena buli kulaale.

¹⁶³ Elyo lusyomo lu lacita eco. Lusyomo lula bweza mabbainokyulasi aa Leza, oonse oobile, mabazu oonse, Cizuminano Cakaindi a Cipyaa, a kubamba zisyomezyo zyoonse Nzya kabamba. Elyo lusyomo lula cibona kubusena buli kulaale, alimwi lusyomo lulasala eco kakutakwe kubikkila maanu kuli eco calino nco caamba *awa*. Lu langa ku mamanino. Ta luleti aansu bube bwakubona kwalo ku kulanga nzila *eyi*. Lu langa kulaale. Lu labamba tuwaya oto tu swaangana aeleda ku mbaakani iini ya cilanzyo aa Ijwi. Eco ncencico lusyomo nco lucita. Olo ndo lusyomo luli mu muntu oyo ucita zintu ezi.

¹⁶⁴ Lino amubone. Eco Farao nca kaita, ca kwiitwa, eco Farao nca kaita kuti *ncipati*, Leza wakaciita kuti “ncisesemyo!” Farao wakakonzya kuteeti, “Langa, Musa, awa, baa, nduwe farao uuccilila. Njo—Njo pa nduwe musako oyu wabwami cindi Nda kuzwa awa. Ndiyo kupa musako oyu wabwami. Ngu wako. Mwabona? Lino, eci ncipati. Yebo uyooba muntu mulemu, Musa. Yebo uyooba bishopo. Yebo uyooba *eci*, *eco*, na *cimbi*. Uta tusiyi pe. Yebo kokkala kuno.” Pele, nywebo mwabona, wa kaita eco kuti *ncipati*, nkabela Leza wakati cakali “ncisesemyo!”

¹⁶⁵ Lino, nywebo no banakazi amuyeeye asyoonto, anywebo, no baalumi. Eco nyika nco yiita kuti *ncipati*, Leza wiita kuti “mbusofwi.” Sena Bbaibbele ta lyaambi kuti, “Ncisesemyo ku mwanakazi kusama cikobela ca mwaalumi”? Elyo muyeeya kuti muli basongo muku cicita. Mwabona? Mu tondezya buyo nyama

ya bwabwakazi kuli dyabulosi, nkabela kwamana. Aboobo, mu tacititi.

¹⁶⁶ Elyo nywebo no baalumi no muponena ku zintu zya nyika, a kubandika kumbali a kubukatila eci! Alimwi nywebo no baalumi bata jisi camba cini kujatikizya mbo mubamba banakazi banu a a zintu kuleka kucita eco, mause kuli ndinywe! Elyo mu liita kuti bana balombe iba Leza? Boneka mbuli bana sodoma kuli ndime. Mwabona? Kutali kunyonganya kulimvwa kwanu, pele ku mwaambila Bwini. Luyandisyo ndwa kululamikwa. Mbo lubede lyoonse. I mutumbu uta kamameli mwana wakwe, a ku mululamika a ku muuma lubayi, a kumubamba kubikkila maanu, tali mutumbu wini kuli nguwe. Mbo mbubo.

¹⁶⁷ Lino, a mulange eco cicitika eno. Musa waka bona eci, kwiinda ku cilengaano cakwe. Nkabela Farao wakati, “*Eci* ncipati.” Leza wakati, “Ncisesemyo calo.” Aboobo Leza. . . Musa wakasala eco Leza nca kaamba.

¹⁶⁸ Lino, amubone, lusyomo lubona eco Leza nca yanda kuti mubone. Mwabona? Lusyomo lu labona eco Leza nca bona.

¹⁶⁹ Elyo kubuzyabuzya a magano a bona eco nyika nci iyanda kubona. Amubone kubuzyabuzya, “Baa, ndigano buyo lya buntu. Li buzyabuzya buyo—buyo kuti eci. . .Ee, sa *eci* tacili cibotu buyo mbubonya?” Mwabona? Eco cili mbubonya buyo, cindi mwabelesya magano ayo aaimpene ku Ijwi, mwabona, mpawo eco ncencico nyika no iyanda kubona.

¹⁷⁰ Pele lusyomo talu langi kuli eco. Lusyomo lu langa eco Leza nca kaamba. Mwabona? Nywebo mulizi, amu sowela nsi kubuzyabuzya kwanu.

¹⁷¹ Kubuzyabuzya, magano abuzyabuzya, abona eco nyika nco iyanda kuti mubone, kabungwe kapati. Ee, sena uli Munakristo? “Oh, Ndili—Ndili muna Presbyteria, Methodisti, Lutherani, a Pentekoste, aamwi aambi. Ndili *eci*, *eco*, na *cimbi*.” Mwabona, ayo, alo magano. “Ndi zulilwa ku mbungano ntaanzi, nywebo mwabona. Oh, Ndili muna Katolika. Ndili—Ndili *eci*, *eco*.” Mwabona, yebo waamba eco. Lino, ayo, alo magano. Yebo uyanda kwaamba eco nkaambo nkabungwe, cintu cimwi cipati. “Ee, tu—tu—tu yojana mamembala aambi, kutandila, kwiinda mbungano iili yoonse mu nyika, mwabona. Tu. . .”

¹⁷² Pele kuli Mbungano yomwe luzutu ya kasimpe, nkabela to Yi sangani buyo pe. Yebo uzyalwa biya muli Njiyo. Mwabona? Elyo ikuti na wazyalwa muli Njiyo, Leza muumi ula beleka Mwini kwiinda muli nduwe, a kuli yubununa Mwini. Mwabona? Awo mpempawo Leza mpakkala, mu Mbungano Yakwe. Leza ulainka ku Mbungano mazuba oonse, upona buyo mu Mbungano. Ula pona muli nduwe. Yebo uli Mbungano Yakwe. Yebo uli Mbungano Yakwe. Yebo uli Cikombelo omo Leza mwakkala. Yebo uli Mbungano ya Leza muumi, lwako. Elyo ikuti na Leza

muumi kapona mu cilenge Cakwe cuumi, nkokuti micito yako nja Leza; ikuti na tacili boobo, mpawo Leza tamo muya. Inga ta kubamba kulilemeka mbuli obo, kakuli Ula amba mu Ijwi awa, bukanze Bwakwe bubambidwe kuti, “Uta ciciti pe,” elyo yebo wacicita. Mwabona, eco cili lubide. Cindi muntu a li kakaka, nkokuti eco citondezwa kuti Buumi tabuko akwalo muli nduwe. Mwabona? Mbo mbubo.

¹⁷³ Lusyomo lwaka sololela Musa ku kazila ka kuswiilila. Amubone, Musa kubamba... Ngooyo Farao mukubusyi, Musa mukubusyi, boonse baabo a coolwe. Musa wwaka bona kusampaulwa kwa bantu, aku cibala kuti mbuumi bupati maningi kwiinda zyoonse Egepita nciya kajisi. Elyo walo, kasololelwa ku lusyomo, wa katobela eco lusyomo lwakwe nco lwa kaamba mu Ijwi, a ku musololela ku kazila ka kuswiilila, alimwi kumalekelo kuyaku Bulemu, butafwiki, kwiina kufwa, mu Busyu bwa Leza. Bube bwakubona a magano, kwakasololela, a bweebesi, kwakasololela Farao ku lufu lwakwe, a lunyonyooko lwa Egepita, cisi cakwe, alimwi kwiina nocaka joka kuzwa eelyo.

¹⁷⁴ Nceeco we. Mwa langa *eci*, mwa fwa. Mwa langa Eco, mwa pona. Lino amubambe kusala kwanu. Eco ncintu nciyona Leza nka kabikka kumbele lya Adamu a Eva, mu Muunda wa Edeni. Mwabona? Ku lusyomo, mweelede kubamba kusala kwanu.

¹⁷⁵ Lino amubone, bube bwakubona kwakasololela Farao ku lufu lwakwe, a ku lunyonyooko lwa dolopo lyakwe.

¹⁷⁶ Musa, a lusyomo lwakwe, kwiina naka yoowa Farao. Mwabona? Taakwe naka bikkila maanu kuli eco Farao nca kaamba. Ta kabikkila maanu kuli zya Farao, abalo banyina a bawisi taakwe noba kabikkila maanu kujatikizya kukonga kwabo. Cindi Musa naka simpikizigwa kuli nguwe, alimwi wa kali muntu oyo wakeelede kuvuna Egepita... na kusololela Israyeli kuzwa mu Egepita, taakwe naka bikkila maanu kuli eco Farao nca kaamba. Taakwe naka muyoowa. Ameni, ameni, ameni! Nywebo mwabona eco nce Ndi pandulula? [Mbunga yaamba, “Ameni.”—Mul.]

¹⁷⁷ Kwiina ku yoowa mu lusyomo. Lusyomo lulizi makani aco. Lusyomo, mbuli mbo Nda kaamba kanji, lu jisi milambi mipati ncobeni, a boya aa kaango. Lusyomo lwati, “A muumune!” nkabela bantu boonse bala umuna. Kwa mana. “Ndi lizyi awo mpo Ndi bede!”

I bamwi babo bati, “Ee, eno, ndiza ulacita.” Mwabona?

¹⁷⁸ Pele yebo weelede kwiima a ku tondezya milambi yako. Kwa mana. Lusyomo lula cicita.

¹⁷⁹ Amubone, Musa kwiina na kayoowa Farao akwalo Leza nakamana kusimpikizya kwiitwa kwakwe. Cindi Musa naka syoma kuti wa kaitilwa eco, pele Leza waka mwaambila kutala kuya, “Cili boobo,” nkabela wakaselemuka a kuzo tondezya

Farao, a boonse bamwi bambi, kuti waka tuminwa ku cicita, Musa kwiina naka yoowa Farao.

¹⁸⁰ Amubone, Farao wakabelesya busongo aali Musa, akwalo. Amulange. Wa kati, “Njo kwaambila cintu, Ndi—Njo panga cizuminano a nduwe.” Kumane zipenzyo zya kacitwa nizya kamulya, wa kati, “Njo panga cizuminano a nduwe. Yebo koya buyo ku kukomba kusyoonto, mazuba otatwe. Koya buyo kusika boobu, nkabela uta iinki aambele.” Pele, nywebo mulizi, i. . . Ayo akali magano aa Farao aka mwaambila eco, mwabona, “Yebo koya buyo kusika boobu, nkabela uta iinki aambele.”

¹⁸¹ Sena ta tujisi musyobo oyo sunu? “Ikuti na wanjila buyo cikombelo, eco cili kabotu.”

¹⁸² Pele, nywebo mulizi, lusyomo olo Musa ndwa kajisi tii lwa kasyoma mu “kusika boobu” kwa bukombi. Wa kati, “Toonse tula unka. Tu unka lweendo loonse. Mbo mbubo. Tula uuka ku nyika ya cisyomezyo. Ta tuzwi buyo awa a kubamba kabungwe, a kwiima. Tula zumanana kuya buzwidilila.” Ameni. “Ndiya buzumanana kuya ku nyika ya cisyomezyo. Leza waka tusyomezya.”

¹⁸³ Mbangaye ba Farao mbe tujisi sunu baimvwi mu zikambaukilo, beendelezi ba tubunga! “Lino, ikuti na wacita buyo eco a kucita eco, kwa mana. Ee, mwabona, kusika buyo boobu.”

Pele Musa wakati, “Oh, peepe! Peepe, peepe! Peepe, peepe!” Mwabona?

¹⁸⁴ Farao wakati, “Ee, nkaambonzi kutaba? Ikuti na uyooba a musyobo oyo wabukombi, Njo kwaambila eco cakucita, yebo buyo a baalu kamuya kuyo komba, mwabona. Yebo buyo a baalu kamuya kuyo komba. Nkaambo, nywebo nyoonse mula konzya kuba a musyobo oyo wabukombi, pele uta buleti akati ka bantu pe.”

¹⁸⁵ Nywebo mulizi eco Musa nca kaamba na? “Takukabi akwalo insumba iyo syaala musule. Tula unka lweendo loonse. Tula unka toonse! Ta ndi kounka cita kuti baunka. Elyo, kufumbwa kuti ka Ndili kuno, Ndili mu maanza ako.” Ameni. “Ta ndiinki cita kuti baunka a balo, nkabela kwa mana.” Oh, ino mulanda wa camba! Ameni. “Ndi yanda kubatola antoomwe a ndime. Nkaambo buyo kuti Ndi cijisi, alimwi Nda kkala a kwaamba, ‘Ee, eno, eci cili kabotu?’ Peepe, munene. Tu yanda bantu, aswebo. Umwi aumwi wesu ula unka.” Ameni. Wa kati, “Ta tuunki akwalo kusiya mbelele zyoonse, na kufumbwa cintu, musule. Takukabi insumba iyo syaala musule. Toonse tuunka ku nyika ya cisyomezyo.” Ameni!

¹⁸⁶ “Toonse swebo! Naa uli mukaintu wa mung’anda, na yebo uli i—i mubelesi muniini, na uli mucembele, mwaalumi mukubusyi, na mudaala, na kufumbwa mbobede, tula unka, nekuba. Takukabi naba omwe wesu usyaala.” Ameni. “Toonse

swebo tula unka, alimwi tatuka lesyi cintu cimbi.” Mbo mbubo. Ma! Bwalo bukombi bwakali mu kukazyanya kuya, embo na? Oh, ma!

¹⁸⁷ Peepe, Musa ta kasyoma muli eci awa “kusika buyo boobu” kwabukombi. Peepe, ta kasyoma muli eco. Huh-uh. Iiyi, munene. Oh, ma!

¹⁸⁸ Inga twa kkala buzuba boonse aali eco, pele Nde elede kusika ku cibalo cangu kwainda kaindi a kotalika ku kambauka.

¹⁸⁹ Amubone, amubone eci, obo mbocili cibotu! Oh, Nda botelwa eci. Nywebo mulizi, kumalekelo, Farao wakati, “Ko zwa!” Leza wakamuuya buyo cipenzyo, a jwi lya Musa. Wa kauma zintu zyoonse. Wa kacita zintu zyoonse ezyo zyakelede kucitwa. Wa kaimika i . . . wa kaimika zuba, aakati ka sikati. Wa kacita zintu zyoonse zimbi. Wa—wa kapa mazuba kuti asiye mbi. Wa kaleta baculwa, intabwa, injina, zintu zyoonse zimbi, mulilo, busi, a lufu ku mikwasyi yakwe, a zintu zyoonse zimbi. Wa kacita zintu zyoonse kusikila, kumalekelo, Farao wakacita kwaamba, “Ko zwa! Kotola zyoonse nzo jisi, a kuunka.” Oh, ma! Akulumbwe kuli Leza!

¹⁹⁰ Ndili boteledwe loko kuti muntu ulakozya kubelekela Leza cakumaninina kusikila walo, dyabulosi, tazi eco cakucita a nguwe. Mbo mbubo. Koswiilila buyo Leza cakumaninina loko kusikila dyabulosi wakati, “Oh, ma, kozwa awa! Ta—Ta ndi yandi kucimvwa limbi pe.” Mbo mbubo. Yebo inga wacicita, cakumaninina loko.

¹⁹¹ Mwabona eno, ikuti—ikuti na Leza nata kaiminina Musa, mpawo nakaba muntu wa bufubaazye buyo. Pele Leza wakali awo ncobeni, kasimpikizya. Zintu zyoonse nzya kaamba, zya kacitika.

¹⁹² Elyo Farao waka jatilila cuuno cakwe, nkaambo wakali bishopo, nywebo mulizi, aboobo wa—wa wakakkala kuya. Ta kakonzya kukaka. Ta kakonzya kuti peepe, nkaambo cakali kucitika kale. Mwabona? Ta kakonzya—ta kakonzya ku cikaka, nkaambo cakali kucitika kale. Aboobo kumalekelo wa kati, “Oh, ko zwa buyo! Ta ndiyandi ku kumvwa imbi. Ko zwa awa! Kotola zyoonse nzo jisi, a kuunka!” Oh, ma!

¹⁹³ Lino tujana Musa, awa, Leza nakamana kumu citila kunji loko, alimwi waka mutondezya zitondezyo a zigambyo zinji. Lino, ku maminiti aaccilila aali kkumi aosamwe, atu bambe eci awa. Elyo amulangilile kabotu loko. Musa wakaboola ku kasena aka oko nkwa . . .

¹⁹⁴ Leza wakati, “Njo oba a nduwe. Majwi ako ngu Ijwi Lyangu. Nda citondezya kuli nduwe, Musa. Yebo, cindi nokutakwe nzinini mu cisi, cakali mu ciindi citeelede, nkabela yebo wakati, ‘Aku boole nzinini,’ elyo mpaawo nzinini zyakasika.” Obo mbulenge. Nguni uukozya kuleta mudima aa nyika, cita Leza? Wa kati, “Akube mudima,’ nkabela kwakaba mudima. Yebo

wakati, ‘Akube baculwa,’” nkabela baculwa akwalo bakanjila mu ng’anda ya Farao, mu malo, elyo mpawo baka lundana mu zilwi zipati. Cilenga! “Elyo Nda kaambaula kwiinda muli nduwe, Musa, a—a kubamba Ijwi Lyangu kulenga kwiinda ku milomo yako. Nda ka kubamba kaleza mubwini kumbele lya Farao.” Iiyi, munene. “Nda kacita oku koonse.”

¹⁹⁵ Elyo mpaawo bakasika ku busena, kwaka libonya sunko liniini, alimwi Musa wakatalika kulila, “Ino Nda cita nzi?”

¹⁹⁶ Ndi yanda kuti mubone. Eci nciyo cipati awa eno. Nda ciyanda eci, mwabona. Mwabona, Musa, ikuti na twa bala mpoonya awa, kuti Mu- . . . Cindi, bana batalika ku yoowa, baka bona Farao kaboola kuyabutobela, mu ciindi cakubeleka.

¹⁹⁷ Leza wakacita zintu zyoonse cakumaninina. Lino Wa kabatalisya kweenda mu lweendo lwabo. Wa kabamba mbungano kuba antoomwe. Ba kaitwa. Ba kazwa ku tubungwe toonse. Boonse bakaba antoomwe. Musa wakali jokede kuya, a kwaamba, “Mwami, Nde elede kucita nzi?”

¹⁹⁸ Wa kali kunga waamba, “Ee, koya ucite eci.” Ncibotu, ko zumanana. “Lino, Musa, ulizi Nda kakwiita kucita eci.”

“Iiyi, Mwami.”

¹⁹⁹ “Ncibotu, koya uambe eci, nkabela ci yooba,” mpaawa kwaboola nzinini. “Koambaula eci,” nkabela nceeci casika. “Kocita eci,” nceeci casika. Zintu zyoonse zyakali MBUBOObU MBWAAMBA I MWAMI, MBUBOObU MBWAAMBA I MWAMI, MBUBOObU MBWAAMBA I MWAMI! Lino mpawo wanjila mupenzi . . .

²⁰⁰ Elyo Leza wakati, “Lino Nda batalisya kweenda mu lweendo lwabo. Boonse baka mana kwiitwa kuzwa. I mbungano ili antoomwe, aboobo Nda babikka mu lweendo lwabo. Lino, Musa, batole baka landuke kuyabuya. Nda kwaambila. Ndiyo kkala acuuno a kupumuna kwa kaindi kaniini.”

²⁰¹ Musa wakati, “O Mwami, langa baboola, ngooyu waboola Farao! I bantu boonse . . . Ino Ndi cite nzi? Ino Ndi cite nzi?” Bona kuya, sa abo tabali buyo bantunsi? Iiyi, munene. Katalika kulila, “Ino Ndi cite nzi?”

²⁰² Mpaawa twa bona Musa cakutonzezya, bupange bwabuntu buzwide, lyoonse buyanda Leza kuba kunze lyako a ku kutontela mu cintu cimwi. Lino, abo ndiswe sunu. Mu yanda Leza, kumane kuti twa kabona koonse nko twa kabona, nekubaboobo mu ciyanda Leza kumutonta kucita cintu cimwi. Mwabona?

²⁰³ Musa wakaliiba koonse, kati, “Leza, Nda kubuzya Yebo, kubona eco Nco taambe. Inzya, inzya, Yebo ko caamba. Ee, ncibotu, Nda caamba, amebo.” Mwabona?

²⁰⁴ Pele awa Leza wakali musalide ku mulimo, katondezya kuti Wa kali a nguwe. Elyo ngooyo we, ciimo cakalibonya, elyo mpawo

watalika kulila, “Ino inga Nda cita nzi? Mwami, ino inga Nda cita nzi?”

²⁰⁵ Lino amuyeeye, waka sinsimide kale awa, nkambo wa kati, “Aba ba Egepita abo mbo mubona sunu, tamu kababoni limbi.” Elyo mpawo buyo wakatalika koompolola, “Leza, ino inga twa cita nzi?” Mwabona? Nakamana kucita mulimo mubotu loko mu kusinsima kuya. Nywebo mwabona, wa kabaambila eco cakeelede kuyo citika. Ikuti na Ijwi lya Leza lyakali muli nguwe, Lya kali muli nguwe. Elyo cindi na kali kwaamba eco, mubwini cakacitika. Eco nca kaamba cakeelede kale kuyo citika, alimwi mpaawa wa kali koompolola, “Ino Ndiyo cita nzi?”

²⁰⁶ Oh, ikuti na abo tabali bantunsi! Ikuti oyo tali ndime! Ikuti na oyo tali ndime! Mwabona?

²⁰⁷ Wa katondezya kale, “Ino uyoamba nzi ciyo citika. Ndili a nduwe.”

²⁰⁸ Elyo mpaawa ciimo cakabuka mu kaindi kaniini. “Ino Nde elede kucita nzi? Ino Nde elede kucita nzi, Mwami? Yawe, Mwami, mpaali Yebo mpobede? Yawe, sa Uli ndimvwide? Ino Nde elede kucita nzi?” Elyo Wa kamu salide kale, a kumu simpikizya, a kutondezya a kubeleka zintu zyoonse kwiinda muli nguwe. Elyo awa, “Leza?” Oh, ma! Kutondezya kuzwide, muntu uyanda kuyaamika a kulekela Leza kutonta.

²⁰⁹ Elyo, nekuba, wa kalizi kuti Leza waka munanikila mulimo oyu, ku cita eci, nkabela Leza waka simpikizya cantangalala ku taminina kwakwe. Cakali ciindi ca bantu kuti bavunwe. Leza, kwiinda ku maleele a zigambo zyakwe, waka bakwela antoomwe mu nkamu yomwe. Mula nditobela na? [Mbunga yaamba, “Ameni.”—Mul.] Wakabaleta antoomwe mu nkamu yomwe, kasimpikizya kutaminina kwakwe. Lugwalo lwa kaamba obo; nceeci icakali citondezyo, nceeci icakali cizibyo awa, kufumbwa cintu nca kaamba. Mpawo wa kaboola akati kabo kali musinsimi. Lyoonse, kufumbwa cintu nca kaamba, Leza waka cizulizya, akwalo kulenga a kuleta nzinini, a kuleta zintu mukuba. Elyo zintu zyoonse ezyo Nzya kamusyomezya, mpaawa Wa kacitica.

²¹⁰ Pele wa kali kuyanda kulindila aali MBUBOObU MBWAAMBA I MWAMI. Mwabona? Wa keelede kuziba kuti nkukonya kusimpikizigwa kwa kwiitwa kwakwe kwakali MBUBOObU MBWAAMBA I MWAMI. Mulimo wakwe oyo ngwa kasalilwa yakali MBUBOObU MBWAAMBA I MWAMI. Sa inga mwa cimvvisya? [Mbunga yaamba, “Ameni.”—Mul.] Huu! Nkaambonzi nca kalindila aali MBUBOObU MBWAAMBA I MWAMI?

²¹¹ Wa kali kuyanda, “Mwami, ino inga Nda cita nzi? Mpaawa Nda gwisya bana aba awa, kusika boobu. Nceeci ciimo, Farao uli mukuboola. Boonse bayo fwa. Ino Nde elede kucita nzi? Ino Nde elede kucita nzi?” Huu! Huu!

212 Wa kali aambide kale ca kumbele eco nco bakeelede kuyo cita. Wa kabambilide kale mbubonya buyo eco, ku cicitu. Wa kasinsimide kale citika kwa mamanino aa masi omo mwaka komenena. Nda syoma mula mvwisya. [Mbunga yaamba, “Ameni.”—Mul.] Mwabona? Musa wakaambide kale, “Nywebo tamu kababoni limbi. Leza uyo banyonyoona. Ba kufubaazyu kwa ciindi cikubwene. Leza ula banyonyoona.” Wa kaambide kale eco ca keelede kuyo citika kuli mbabo.

213 Mpawo, “Mwami, ino Nde elede kucita nzi?” Mwabona bupange bwa buntu kuya? Mwabona? “Ino Nde elede kucita nzi? Ndiyo lindila kuli MBUBOBU MBWAAMBA I MWAMI.” Iiyi, munene. “Njo obona eco Mwami ncaamba, mpawo Njo cicitu.” Huh!

214 Amuyeeye, kwakali farao wakabuka oyo watakazi Josefa, nywebo mulizi, mu ciindi eco, mpoonya a ciindi eco. Mwabona? Mwabona? Elyo Musa wakaima ncobeni a kwaamba mamanino a cisi eco.

215 Elyo mpaaawa wa kali nkoonya ku busena oko nko cakali kweelede kucitikila, mpawo wa koompolola, “Ino Nde elede kucita nzi, Mwami? Ino Nde elede kucita nzi?” Mwabona? Sa abo tabali bantunsi? Sa obo tabuli buyo bulenge bwa buntu? “Ino Ndi cite nzi?” Huh!

216 Wa kali kacitide kale, kusinsima. Leza waka zulizya zintu zyoone ezyo nzya kaamba, elyo wa kaitilwa mulimo, aboobo nkaaambonzi nca keelede kwaamba, “Ino Nde eledde kucita nzi?” Kwakali penzi; cakali kulinguwe ku caamba buyo. Leza wakali kuyanda Musa kubikka cipego eco ca lusyomo, eco Nca kamupa, kuti cibebeleke. Leza waka cisimpikizya. Ca kali Bwini. Elyo Leza wakali kuyanda Musa, kali kuyanda bantu kubona kuti Wa kali a Musa.

217 Elyo walo, kaindi kuya, wa kalindila, kwaamba, “Lino, Mwami, Ndili buyo muvwanda. Leka Yebo undaambile eno.”

“Inzya, Njo cita *eci*. Ndi jisi MBUBOBU MBWAAMBA I MWAMI.”

“Mukwesu, sa oyo ngu MBUBOBU MBWAAMBA I MWAMI?”

218 “Iiyi, iiyi,” Mukwesu Musa, “oyo ngu MBUBOBU MBWAAMBA I MWAMI. Inzya.”

219 “Ncibotu, tuli jisi eno, MBUBOBU MBWAAMBA I MWAMI.” Elyo caka citika. Tacina kakilwa ciindi comwe. Taakwe nocaka kakilwa.

220 Elyo mpaawa cili mu ziimo, calibonya lwabili. Lino Wa mubikka mu lweendo. I mbungano iitidwe kale, kaba bikka mu lweendo, nkabela bakali kuya buswena. Elyo Musa waka talika koompolola, “Mwami, sa ngu MBUBOBU MBWAAMBA I MWAMI? Ino Nde elede kucita nzi?” Cili kabotu.

221 Leza wakali kuyanda Musa kuba a lusyomo, olo Ndwa kabikka mukati, mu cipego eco Nca kasimpikizya i—i cantangalala. Leza wa katondezya cantangalala kuli Musa a ku bantu kuti cakali aa Nguwe, kwiinda ku Ijwi a kwiinda ku zintu zya kaambwa kucitika. Ca kazibisigwa cantangalala. Kwakanyina kuyandika kuli nguwe kulibilika limbi kujatikizya ncico. Mwabona? Kwakanyina limbi kuli nguwe kuyeeya kufumbwa cintu kujatikizya ncico, nkaambo caka salazidwe kale. Wa citide kale zintu ezi. Alimwi wa katondezya kale, ku nzinini a ntabwa, kuti wa wa kaamba zintu kuba mubulenge, kuti Ijwi lya Leza lyakali muli nguwe.

222 Aboobo mpaawa uyanda kuyo buzya eno eco cakucita, cindi ziimo zya bambidwe nkoonya kumbele lyakwe. Mwabona? Oh, ma!

223 Nda syoma eci cila njila kungsi kwa myoyo yesu, alimwi inga twabona awo mpo tubede. Mwabona? Sena tacimu bambi kulimvwa bupati *obo*? [Mbunga yaamba, “Ameni.”—Mul.] Kuyeeya kujatikizya Musa kalungulula tumpenda twakwe, a kulanga kuli twesu. Inzya. Mwabona?

224 Ngooyu mbwa kabede, kaimvwi kuya, mwabona, wakalizi kuti Magwalo akaamba kuti lyakali oora a buzuba bwa eco kucitika, a kuziba kuti Leza waka muswaana mu Musumpululu wa Mulilo. Elyo Wa kaseluka aansi nkoonya kumbele lya bantu a kucita maleele ayo. Elyo zintu zyoonse nzya kaamba, zyaka boola kucitika, akwalo kuleta zintu ezi mukuba bulenge. Kacita zintu ezyo Leza alikke nzyakonzya kucita, kutondezya kuti jwi lyakwe lyakali Jwi lya Leza.

225 Elyo mpaawa kwakali ciimo a bantu abo mbakali kubusya, kuzumanana kubaleta ku nyika ya cisyomezyo, elyo mpawo wakaliimvwi, kalila, “Ino Nde elede kucita nzi?” Oyo muntunsi, yanda buyo ku . . .

226 Mbuli Mukwesu Roy Slaughter, Nda syoma uli kkede aanze ku mulyango kuya, kandaambila ciindi cimwi, makani a muntu umwi wakali kucita cintu cimwi kuli ndime. Elyo Nda kati, “Ee, Nda kacita *eci*, nkabela eno ngu eco.”

227 Wa kati, “Mukwesu Branham, aba yaame ku ciwezo cako sunu, nkabela juunza uyo babweza.” Nkabela eyo ni nzila buyo bantunsi mbo babede. Kuyaama ku ciwezo cako sunu, nkabela juunza wa babweza.

228 Nce ncico, nce ncico Musa ncakali kucita. Leza wakali kucita ku mubweza lyoonse Na kamana ku musala aku citondezya. Elyo bantu ba keleede kwaamba kuti, “Musa, koamba ijwi. Nda kubona kocicita *kuya*. Leza waka kuzulizya kuya, alimwi yebo uli nduwenya sunu.” Ameni. Mwabona? “Ko cicita!” Ameni. Wa kelede ku ciziba, pele ta kacita. Ncibotu. Mbuli buyo mbo cakabede kaindi, aboobo mbo cibede lino. Tu jana, eco. Aboobo Wa kati, “Mu- . . .”

229 Leza kweelede wakkutilla loko ancico. Leza kweelede kuti waka cimwa a ncico. Wa kati, “Nkaambonzi nco lilila Ndime? Sena Ta ndina tondezya cizibisyo Cangu? Sena tii Nda kakwaambila kuti Nda kakutumina mulimo? Sa tii Nda kakwaambila kuyo cita eci? Sa tii Nda kasyomezya kuti Njo cita eci; kuti Njo oba a mulomo wako, alimwi kuti Njo kanana kwiinda muli nduwe a kuti Njo cita eci, a kuti uyo tondezya zitondezyo a zigambyo? Sa tii Nda kasyomezya ku cicita? Sena Ta ndina cicita mbubonya, a kunyonyoona basinkondo boonse bakuzungulikide? Elyo mpaawa uliimvwi awa lino, ku Lwizi Lusallala, moonya mu ciindi cakabeleka, eco nce Nda ka kwaambila kucita, elyo mpawo ucoongolola a ku lilila Ndime. Sa to Ndi syomi? Tokonzyi kubona kuti Nda kakutuma kucita eci?” Oh, ikuti na oyo tali muntunsi! Ma! Aboobo kuleelede kuti Wa kacimwa buyo maningi aali ncico.

230 Elyo Wa kati, “Yebo ulizi kuti uli cibulide. Yebo ulizi kuti uyo tola bana abo ku nyika eyo ya cisyomezyo. Obo mbombubo. Yebo wasyanikizigwa awa ku kampetu. Taakwe cintu cimbi nco konzya kucita. Aboobo kuli kubula. Ino ulilila nzi kuli Ndime? Ino ulangila nzi kuli Ndime? Ino Ndi itila nzi? Sena tii Nda citondezya ku bantu? Sena tii Nda citondezya kuli nduwe? Sena tii Nda kaciita? Sa tacili ca Lugwalo? Sa tii Nda kasyomezya ku tola bantu aba ku nyika? Sa tii Nda kakwiita a ku kwambila kuti Njo cicita? Sa tii Nda kaciita a kwaamba kuti Nda kakutuma kuyo cicita, kuti tookali nduwe, wakali Ndime? Elyo inga Ndiyo unka ku musanza a kuti inga Ndiyo oba a milomo yako, alimwi kufumbwa cintu ncoamba, inga Ndiyo cisimpikizya a kucitondezya. Sena tii Nda kacicita?”

231 “Mpawo, cindi kantu koonse kaniini kalibonya, nkaambonzi ncoli lemeka mbuli muvwanda? Yebo weelede kuba mwaalumi. Koamba ku bantu,” ameni, “mpawo koya kumbele!” Amen. Mpaawo we. “Uta lili. Koamba!” Amen. Oh, Nda botelwa eco. “Nkaambonzi nco Ndi lilila? Koamba buyo ku bantu a kuya kumbele ku bukanze bwako. Kufumbwa cintu mbocibede, ikuti na mbulwazi, na kufumbwa cintu mbocibede, kubusya bafwide, na kufumbwa cintu mbocibede, koamba! Nda citondezya. Koamba ku bantu.”

232 Ino nciyo! Ino nciyo, oh, ma, ku ntaamo eyi ya lweendo awo mpo twiimvwi. Amulange awo mpo tubede lino, iyyi, munene, ku Kukwelwa Kwatatu. Amubone, tuli mpoonya awa aa mulyango, wa Kuboola kwa Mwami.

233 Wa kali nanikidwe nkambo ka mulimo, elyo kacilindila MBUBOBU MBWAAMBA I MWAMI. Leza kweelede kuti wakacimwa kuti ncico. Wa kati, “Uta lili limbi. Koamba! Nda kakutuma.”

234 O Leza, eco Mbungano eyi ncoelede kuba cifumo cino! Antoomwe a kusimpikizigwa kwa Leza kulondokede, antoomwe

a Musumpululu wa Mulimo a zitondezyo a zigambyo, zintu zyoonse mbubonya buyo mbuli mbo cakabede mu mazuba aa Sodoma. Wa kati inga ciyo bweeda.

²³⁵ Njeeyi nyika mu ciimo cayo. Nceeco cisi mu ciimo caco. Mbaabo banakazi mu ciimo. Mbaabo baalumi mu ciimo. Njeeyo mbungano mu ciimo. Nzeezyo zintu zyoonse. I bube, zitondezyo, ndeke ziyeyelwa kweenzegwa aa bamuzwakule a zintu zyoonse mu milengalenga, a misyobo yoonse ya zintu zya maseseke, a lwizi kaluvuuma, mayuwe aaguwo, myoyo ya bantu ilimu kuwizuka, buyoofu, makataazyo aa ciindi, mafwabi aakati ka masi, mbungano kaiwa.

²³⁶ Elyo muntu wa cibi kabuka, oyo uulisumpula aatala aali zyoonse; ezyo zitegwa Leza, ula kkala mu tempele lya Leza, kali litondezya, oh, ma, alimwi waboola ku cisi eci. Elyo mbungano yaba kabunga, alimwi toonse twalo twali bunganya antoomwe, mbuli basibwaamu kuli sikuvuula, a zintu zyoonse mbubonya mu nzla ya buvuule.

²³⁷ Buvuule, ino ncinzi? Kwaambila banakazi kuti inga bagela masusu abo, kwaambila banakazi kuti inga basama tubbudula, kwaambila baalumi kuti inga bacita *eci* a ku cita *eco*; a bakambausi, bala cita *eci*, a mulumbe wabuleya a zintu. Sena tamu boni, nku cita bumambi ku Ijwi lya Leza lya bwini!

²³⁸ Elyo Leza watutumina Ijwi Lyakwe lya bwini, litali lyakabungwe, litakwe tulao tusalesale kuli Ndilyo, a kutupa Musumpululu wa Mulilo, Muuya Uusalala oyo wali a ndiswe lino kwa myaka iili makumi otatwe. Elyo zintu zyoonse Nzya kaamba kuyo citika a kwaamba, zyaka citika munzila njiyonya Mbwa kacicita.

²³⁹ Koamba ku bantu, alimwi atuye kumbele. Ameni. Tu jisi bukanze, bwa Bulemu. A tuye kuli Mbubo. Tuya ku Nyika ya cisyomezyo. “Zintu zyoonse zila konzeka kuli mbabo basyoma.” “Koamba ku bantu. Sena tii Nda ka citondezya. Sena tii Nda kajisi akwalo cifoto Cangu cakabambwa aakati kanu, a zintu zyoonse zimbi, a kucita zintu zyoonse ezyo ziyakali kukonzeka kucitwa, kutondezya kuti Ndili a nduwe? Sa ma magazini, nsondo buyo zisyoonto zyainda, zyaka bikka bulembo, cindi yebo no kaamba awa aa cikambaukilo eco ciyo citika abusena awa, a myeezi iili yotatwe kakutanaba ciindi, elyo mpaawo cakali kucitika a kusimpikizya? Ayalo sayansi iilizi makani aa ncico. Alimwi zintu zyoonse Nze ndacita, alimwi uci lindila. Koamba ku bantu a kuya kumbele ku bukanze bwako.” Ameni.

²⁴⁰ Sena Nathani wakaambila Davida? Nathani, musinsimi, ciindi cimwi kakkede, kabona Davida mwaami uunanikidwe, wa kati, “Kocita zyoonse ezyo zili mu moyo wako, nkambo Leza uli a nduwe.” Kaambila Davida, “Kocita zyoonse ezyo zili mu moyo wako. Leza uli a nduwe.”

241 Joshua wakali nanikidwe kuti akone nyika ya Leza a ya bantu bakwe. I buzuba bwakaceya. Wa kali kuyandika ciindi cikubwene ku mulimo oyo ngwa kananikilwa a kutumwa kucita. Joshua, i muntu, wa kali nanikidwe. Leza waka mwaambila, “Mbuli mbo Nda kali a Musa, Njo oba a nduwe.” Ameni. “Eyo nyika, Ndiyo ipa kuli mbabo. Elyo Ndi yanda kuti uzabuke kuya a kumwaya ba Amaleki, a—a ba Hit- . . . Boonse—boonse bamwi, ba Filisiti a—a ba Periziti, a boonse bamwi baandeene, ba mwaye. Ndili a nduwe. Njo. . . Taakwe muntu uyo ima kunembo lyako, mazuba oonse a buumi bwako. Taakwe muntu uunga wakupenzya. Ko zumanana kuya mukati muya.”

Elyo Joshua wakasomona panga eelyo a kwaamba, “Amu nditobele!”

242 Elyo wa kazabuka kuya, elyo mpaawa wa kali kulwana. Elyo cakali cinzi? Wa saala sinkondo. Kwakali nkamu ziniini *awa*, a nkamu nziniini *awa*. Mpawo ciindi ca masiku nocakasika, bakali kunga boonse baswaangana antoomwe a nkamu zya basilumamba, a kuboola a impi mpati kuzomu lwana. Elyo zuba lyakali kubbila. Wa kali kuyanda mumuni munji. I zuba lyakali kubbila. Taakwe naka fugama ku mazwi aakwe a kwaamba, “Mwami Leza, ino Ndi cite nzi? Ino Ndi cite nzi?” Wa kaamba! Wa kajisi penzi. Wa kati, “Zuba, koima nji!” Taakwe cintu nca kalilila. Wa kalailila, “Zuba, kaima nji! Ndi jisi penzi eli. Ndili mulanda wa Mwami, wakananikilwa mulimo oyu, elyo Ndi jisi kubula. Koima nji, nkabela uta mweki. . . Elyo, mweezi, ko lengelela awo mpobede,” mane wakalwana nkondo yoonse a kuzunda cintu coonse. Nkabela zuba lyaka muswiilila.

243 Kwiina koompolola. Wa kaamba ku zuba, kati, “Yebo koima nji. Zuba, lengelēla awo! Elyo, mweezi, koima awo mpobede.” Taakwe na koompolola, “Mwami, lino ino inga Nda cita nzi? Kondipa mumuni wazuba umwi uumbi.” Wa kali kuyanda mumuni wazuba, aboobo waka ulailila, a zuba lyaka muswiilila. Oh, ma! Wa kalailila zuba kwiima nji.

244 Samusoni, kananikidwe, waka busigwa, kasalwa aa Leza, kapegwa cipego ca nguzu, wakali salidwe ku kunyonyoona cisi ca ba Filisiti. Kasalwa, kazyalwa aansii, kananikwa aa Leza, ku kunyonyoona ba Filisiti. Elyo buzuba bumwi ba kamujata kubusena kuya mu muunda, katakwe panga lyakwe, katakwe sumo. Elyo ba Filisiti abo bali zyuulu baka jisi zikwabilizyo zyalubulo baka muvumpa ciindi cimwi. Sena wakafugama a kwaamba, “O Mwami, Ndi lindila cilengaano? O Mwami, ino Nde elede kucita nzi? Ndilailile lino eco cakucita?” Wa kalizi kuti wa kajisi kubula. Taakwe cintu nca kajana cita cifuwa cakumwebo cakaindi ica kambongolo, nkabela wakazunda ba Filisiti bakali cuulu cakumanina. Ameni!

245 Taakwe naka lilila Leza. Wa kabelesya cipego cakwe caka nanikidwe. Wa kalizi kuti wa katuminwa mulimo. Wa kalizi kuti

waka zyalilwa eco. Wa kalizi kuti wa kali nanikidwe a cipego, alimwi wakazunda ba Filisiti bali cuulu cakumaninina. Taakwe naka lilila Leza. Leza waka musala a kumu simpikizya kuti mbwa kabede, kwiinda ku zintu zimbi ezyo nzya kacita. Elyo wakali mulanda wa Leza, waka simpikizigwa wakananikwa, ku kunyonyoona ba Filisiti, nkabela waka cicita. Takukwe makani obo ziimo mbo zyakabede, wa kacicita. Taakwe naka lomba cintu. Oyo wa kali mulimo wakwe. Cakuti, Leza wakali kubeleka kwiinda muli nguwe; wakabweza cifuwa eco ca kambongolo a kuunka kuyo uma ba Filisiti. Obo i . . .

²⁴⁶ Baa, kabeela komwe a cintu eco, kuli comwe cazyo ca zipoompo zya kumutwe butale zili inci lyomwe a cisela mbuli obo, inga nizya kapandaula cifuwa eco mu tupapa tuli milioni. Elyo wa kazunda cuulu cambabo cakumaninina, a ku bajaya, a kwiima nji a ncico mu janza lyakwe.

²⁴⁷ Taakwe naka buzya mibuzyo. Kwiina naka koompolola. Wa kaamba. Wa ka basaala. Oh, ma! “Kosaala ba Filisiti, sa inga Nda saala ba Filisiti, Mwami? Ndi—Ndi lizyi Wa kandituma kucicita, Mwami. Iiyi, Mwami, Ndi lizi Wa kandituma kunyonyoona cisi eci ca ba Filisiti. Lino mpaawa, nzyuulu zya mbabo bandi zungulikide, alimwi ta Ndi jisi cintu. Ino, ino Ndi cite nzi lino, Mwami?” Oh, ma! Taakwe ciyo mupenzya. Uli nanikidwe nkambo ka mulimo. Taakwe cikonzya ku mucisa. Peepe, kutali a cintu comwe. Aleluya! Wa kabweza buyo eco nca kajisi a kuba umya. Mbo mbubo.

²⁴⁸ Cindi sinkondonyina naka mujalila, kati, “Lino twa mujalila mu malambo, twa mujata lino. Twa mubikka mukati kuno a mwanakazi oyu. Lino twa jala citendele, zyoonse ku masena oonse, alimwi ta konzyi kuzwa. Twa mujata.”

²⁴⁹ Samsoni taka ompolola, “O Mwami, ba ndi jalila koonse mu kabungwe aka.” Huh! “Uh, ino Ndiyo cita nzi? Nda kasangana abo. Ino Ndiyo cita nzi?” Taakwe nakacita eco.

²⁵⁰ Wa kazwa buyo, kakwelela aansii cijazyo ca mulyango, a kucibikka aa ciwezo cakwe, a kweenda kuzwa a ncico. Ameni! Wa kali nanikidwe nkambo ka mulimo. Wa kaitwa aa Leza. Teeba ka mujalila. Peepe, nincobeni! Wa katolelezya zijazyo. Taakwe na kakikombela. Taakwe naka lomba Leza naa acicite na pe. Cakali moonya muciiindi cakubeleka. Ameni, ameni, ameni! Moonya muciiindi cakubeleka. “Uulila nzi kuli Ndime? Koamba, a kuzumanana!” Ameni! “Uta lili. Koamba!” Wa kaleka kutongauka kwakulila a kung’ung’una kwakuyoowa lino. Weelede kuba wakakomena kwini kuti kakonzya kwaamba. Mbo mbubo. Wa kalizi kuti cipego cakwe cakali nanikidwe a nguzu zya kukonzya kunyonyoona kufumbwa mu Filisiti oyo wa kaima kumbele lyakwe. Ameni.

²⁵¹ Pele ta tuciti eco, nywebo mwabona. Tu cili bavwanda, a bbodela mu kanwa lyesu.

252 Wa kalizi, wa kalizi kuti Leza waka mubusizya bukanze obo, alimwi kwakanyina cintu cakali noima kumbele lyakwe, mazuba oonse aa buumi bwakwe. Taakwe cintu cakali kukonzya kumunyonyoona. Wa kabusigwa ku bukanze obo, mbuli Musa mbwa kabede. Taakwe cintu cakali nomukasya. Kwiina ba Amaleki na taakwe cintu cimbi cakali kukonzya kumulesya. Wa kali mu lweendo kuya ku nyika ya cisyomezyo. Samusoni wakalizi kuti wakali mu lweendo.

253 Joshua wakalizi kuti wakali kukona nyika. Wa kasimpikizigwa. Ijwi lya Leza lyaka cisyomezya, nkabela Muuya Uusalala wakali ku cisimpikizya.

254 Wa kali mu lweendo lwakwe, aboobo kwakanyina cintu cakali noima mu nzila yakwe. Peepe, munene. Moonya mucindi cakubeleka, a Leza, kwakanyina cintu cakali noima mu nzila yakwe. Aboobo wa kabweza buyo zijazyo ezyo zya milyango a kuzibikka aa ciwezo cakwe, zyakali kulema mataani aali one na osanwe, a kweenda kuya aatala lya cilundu a kukkala aali nzizyo. Taakwe cintu cakali kuyoima mu nzila yakwe. Wa kajisi cipego cakananikwa kuzwa kuli Leza. Taakwe na koompolola, “Mwami, ino Nde elede kucita nzi eno?” Wa kali nanikidwe kale kucicita. Oyo wakali MBUBOBU MBWAAMBWA I MWAMI, “Koba gwisya!” Aleluya! “Koba gwisya! Nda kakubusya nkambo ka bukanze obo.” Ameni.

255 “Ino Nde elede kucita nzi, Mwami? Uh, ino Ndiyo cita nzi awa aa Lwizi Lusallala?”

256 “Sena tii Nda kakwaambila kuti Nda kakupa mulundu kuba citondezyo kubusena kuno? Yebo ujokela ku mulundu oyo, nkabela uyo tola bana abo ku nyika. Sena tii Nda kakwiitila bukanze obo? Nkaambonzi nco liibilika kujatikizya zintu zimbi zili zyoonse mu nzila? Koamba, a kutalika kweenda!” Ameni a ameni! “Inzya, Nda ka kwiitila bukanze obu.”

257 Davida, wa kalizi kuti wa kali nanikidwe, alimwi waka simpikizigwa kuba sikudubula mubotu. Wa kalizi kuteeti baka lizi kuteeti wa kali sikudubula mubotu. Davida wakali nanikidwe. Wa kalicizi. Alimwi cindi na kaima kumbele lya Goliati, kwiina nakalila, “O Leza, ino Nde elede kucita nzi lino? Kulindila, sa Nde—Nde. . . Ndi lizyi eco Nco kacita mu ziindi zyakale. Yebo, Yebo waka ndilekela kujaya masekese, alimwi Yebo waka ndilekela kujaya mulavu. Pele ino kujatikizya Goliati oyu kubusena kuya?” Huh! Taakwe naka cita eco. Wa kaamba buyo. Ino wa kaamba nzi? “Yebo uyooba mbuli mbo bakabede, mu meso aako.” Wa kaamba a kuya kumbele.

258 Kwiina nakapaila mupailo. Kwiina naka tuula cintu. Wa kalizi kuteeti wa kali nanikidwe. Ameni. Wa kali nanikidwe, alimwi inkwilipo eyo yakatondezya kuba musyobo uululeme wa cintu. Wa kajisi lusyomo mu bunanike bwakwe. Wa kajisi lusyomo lwakuti Leza uyo konzya kulailia bbwe eelyo nkoonya

kugama aakati na ngowani kuya, awo abusena bulikke bwakali kukonzeka kuumwa. Wa kaliimvwi kuya.

²⁵⁹ Wa kalizi kuti wa kali sikudubula mubotu. Ameni. Wa kalizi kuti Leza wakamubamba kuba obo. Ameni. Wa kalizi kuti wakajaya mulavu, wa kalizi kuti wakajaya masekese, pele ezyo zyakali zya lukono lwa wisi wanyika. Ndoolu awa lukono lwa Wisi Wakujulu! Ameni. Kwiina naka fugama, “Sena . . . Ino Nde elede kucita nzi lino, Mwami?” Wa kakanana a kwaamba, “Yebo uyooba mbuli mulavu a masekese, alimwi mpaawa Nda boola.” Ameni! Bulemu kuli Leza! Iiyi, munene. Wa kakanana a kuya kumbele kuyo swaana Goliati oyu. Oh, ma!

²⁶⁰ Kakutakwe kubikkila maanu ku musela wakwe! Wa kali mulombwana, uuboneka kugalankana akuceya, nywebo mulizi. Ta kali mupati maningi. Ta kali kweebeka maningi kulanga, mulombwana wa musyobo muniini waka diimene. I Bbaibbele lya kaamba kuti wa kali galankene. Lino, kakutakwe kubikkila maanu ku musela wakwe a zitegwa nguzu zyakwe kucita boobo.

²⁶¹ Yebo ulizi, i—i bishopo waka mwaambila, kati, “Lino langa kuno, mulombe, uulya muntu ngu silwiiyo lwabukombi. Mwabona, ngu sikulwana. Wa kazyalwa kali sikulwana alimwi ngu . . . Wa kali sikulwana, kuzwa ku bukubusi bwakwe; alimwi tokonzyi kuzundana a nguwe.” Elyo babunyina ba kati, “Oh, yebo ocintu canciki. Waboola kuno kucita cintu cili boobu mbuli eco, kojoka ka muunzi.”

²⁶² Eco tee caka mukataazya. Nkaambonzi? Wa kalizi kuteeti wakali nanikidwe. “I Leza oyo waka ndivuna kuzwa ku mulavu oyo, Leza oyo waka ndivuna kuzwa ku mala aansumba zya masekese oyo, Uyo iindila loko, kundi vuna kuzwa ku mu Filisiti oyo. Mpaawa Nda boola. Nda kuswaana mu Zina lya Mwami Leza wa Israyeli.” Ameni. Taakazwidilila mukupaila; wa kapailide kale ca kuzwidilila. Leza wakamubamba kupaila cakuzwidilila kuzwa kumalengelo aa nyika. Wa kali nanikidwe nkambo ka mulimo. Wa keelede kwaamba a kuya kumbele. Kwamana koonse kwakaliko kucitwa kujatikizya ncico, kwaamba buyo a kuya kumbele. Oh, kwamana kwakaliko kuli ncico. Oh! Ta kacita . . .

²⁶³ Kujatikizya babunyina bakwe bakabungwe, bali basikusabula kabaimvwi kuya, abalo, nywebo mulizi. Oh, iiyi. Baka liimvwi kuya kabaamba, kabasabula a ku fubaazya, a kwaamba . . . Babunyina bakwe, nywebo mulizi, a kwaamba, “Ah, ah, ah, tokonzyi. Yebo, uli buyo sinciki.” Eco tee caka muzungaanya nokuceya. “Yebo uyanda kuba wandeene ku muntu umwi uumbi. Yebo uyanda buyo kulidundaizya.” Ikuti oko nikwakali kulidundaizya, inga nikwakaba obo. Pele ba kalanga buyo ku lubazu lwa bupampu.

²⁶⁴ Davida wa kalizi kuti mafuta aakunanika aakali aali nguwe. Ameni. Ta kapanga lwaandano luli loonse kuli nguwe. Wa kati,

“Oyo mu Filisiti uyooba mbuli masekese a mulavu, aboobo mpaawa Nda boola.” Wa ka cisinsima kacitana citika. Ino wa kacitanzi? Wa kajaya masekese. Wa kajaya mulavu. Wa kaumina aansii mulavu a...Acintu nzi? A i—i inkwiilipo, a kubweza cifulo, alimwi mpawo masekese. Mulavu, wa kajaya mulavu a cifulo. Eco nce cintu nciconya nca kacita Goliatii. Wa kamuumina aansii a bbwe, a kusomona panga lyakwe, a kukosola mutwe wakwe wini, nkoonya kuya kumbele lya ncico. Ino wakasinsima nzi kacitana citika? “Elyo yebo uyooba mbuli mbobabede.” Nkaambonzi? Wa kaamba ijwi kuti ciyo citika, alimwi mpawo wakaya kumbele kuyo cizulizya. Amenii. Oh, mukwesuu! Wa kakanana, a kweendelezya ciimo ca buzuba obo.

²⁶⁵ Ikuti na kwakasola kuba ciindi cakuti muntu kuti naeelede kakanana, ngu eno. Mukujala, maminiti buyo masyoonto aaccilila ikuti na mwandi jatila buyo kwa maminiti masyoonto kubulamfu. Ndi jisi zintu zimwi zimbi zilembedwe aa pepa awa, Magwalo amwi nge Ndi yanda kusikako.

²⁶⁶ Petro kwiina naakalila, cindi na kajana muntu oyo wakajisi lusyomo lupati lwa kuponesenegwa, kakkede ku mulyano uutegwa Mubotu. Taaakwe naka fugama a kuba a mupailo wa busiku boonse, alimwi, na mupailo wa buzuba boonse, mupailo, mupati amulamfu, a kuti, “Mwami, Nda Ku lombaa eno kuti Uyo gwasya muntu oyu mulema mucete. Nda bona kuti uuli jisi lusyomo. Ndi lizyi ndi musyomi. Elyo Nda mulomba, alimwi wa—wa...Ndi—Ndi—Ndi...Wa kati wa kajisi lusyomo, inga uyo syoma eco nce Nda mwaambila. Elyo Nda mwaambila kujatikizya i...kujatikizya eco Nco kacita, alimwi Nda—Nda yeeya buyo eno, Mwami, kuti—kuti...Sa Yebo inga wandipa MBUBOOBU MBWA AMBA I MWAMI wa nguwe?”

²⁶⁷ Peepe, wa kalizi kuti wa kali muapostolo wakananikwa. Wa kalizi kuti Jesu Kristo waka mutuma. “Amu kaponye balwazi, kubusya bafwida, kusalazya basizinsenda, kutanda badyabulosi. Mbuli mbo mwatambula buyo, amu kape buyo.” Wa kati, “Petro, koya ukacite eco!” Ta kakamba caku zwidilila. Wa kali tumidwe.

²⁶⁸ Ino wakaamba nzi? Wa kati, “Mu Zina lya Jesu Kristo!” Wa kakanana Zina lya Jesu Kristo, alimwi muntu waka kkede buyo awo. Elyo wa kamunyamuna kwiinda ku janza, a kwaamba, “Koima aa matende aako!” Elyo wa kamujatilila kuya mane zifuwa zya ingo zyakwe zyakaba a nguzu, alimwi wa katalika kweenda. Nkaambonzi? Taakwe naka jisi muswaangano wa mupailo busiku boonse. Taakwe na koopolweda Leza. Wa kalizi masimpe, kuzwa ku milomo ya Jesu Kristo, wa kali nanikidwe nkambo ka mulimo oyu. Inzya. Wa kakanana a ku mubusya, nkambo wa kalizi kuti wa kali muapostolo uunanikidwe ku bukanze.

²⁶⁹ I bantu baka kkala mu cimvule cakwe taakwe nobakati, “Oh, boola, Petro muapostolo, a ku toopolweda, a kukamba mupailo

wa lusyomo wa ndiswe, kuli Leza.” Peepe, peepe, taakwe noba kaamba obo. Ba kalizi kuteeti wa kali muapostolo wa Leza wakananikwa a kusimpikizigwa. Aboobo ba kati, “Amu tulazike buyo mu cimvule cakwe. Ta mweelede kwaamba ijwi. Tuli lizi. Tula lisyoma.” Buumi mukati ka babo! I muapostolo takali kukonzya kusika kuli boonse. Elyo balo, lwabo, bali cibeela ca ncico.

270 Musa wakati, “Ta ndili ndime buyo uunka. Toonse tula unka.” Toonse tujisi cintu cimwi cakucita. Toonse tweelede kunanikwa.

271 Elyo bakabona muapostolo oyo kaimvwi awo, a kumubona kaponya muntu mulwazi a kucita zintu nzya kacita. Ba kalizi kuti takali kukonzya kusika kuli mbabo. Kati, taakwe neba kati, “Petro, boola a—a kupa mupailo, a kulindila eno kusikila waba a MBUBOOBU MBWAAMBA I MWAMI, a kuboola ku ndaambila. Mwabona eco Mwami ncaamba.” Ba kati, “Ikuti na inga wakkala buyo mu cimvule cakwe, nkaambo nguonya Leza wakali muli Jesu Kristo uli muli nguwe, alimwi twa bona cintu nciconya kacicitwa. Aboobo ba kaguma moombe wa cikobela ca Jesu a kulala mu cimvule Cakwe, alimwi Jesu uli mu muntu oyu. Ikuti na cimvule inga catondezwa aali ndiswe, tuyo ponesegwa.”

272 Elyo Bbaibbele lyakati umwi aumwi wabo waka ponesegwa. Taakwe muswaangano wamipailo wa busiku boonse, kwaamba, “Mwami, ikuti na Nda inka kuyo lala mu zimvule zya muapostolo oyu?” Peepe, bakali cizyi. I Mumuni waka bauma. Myoyo yabo yakali zwide. Lusyomo lwabo lwakaya ku kubeleka. Amen. Ba kacisyoma. Ba ka cibona. Tutambala twa Paulo, nzila njiyonya.

Lino, mu kujala.

273 Jesu kwiina nakalila cindi niba kaleta musankwa uunyongene kuli Nguwe, oyo wa kajisi kasuntu, kawida mu mulilo. Kwiina na kati, “Taata, Ndili Mwana Wako, alimwi lino Wa ka Ndi tuma kucita *boobu-a-boobu*, a *boobu*. A inga Nda ponya musankwa oyu?” Kwiina Na kaamba. Wa kati, “Kozwa muli nguwe, Saatani!” Wa kakanana, nkabela musankwa waka ponesegwa.

274 Elyo cindi Na kaswaana Legiona, waka njidwe madyabulosi aali zyuulu zyuobile, taakali Jesu wakalila. Akali madyabulosi akalila, “Ikuti na Uyo tu tanda,” oh, ma, “ko tuzumizya kunjila mu tanga eelyo lya ngulube.”

275 Jesu kwiina nakati, “Lino, Taata, Ndila konzwa kucita eci na?” Wa kati, “Kozwa muli nguwe,” elyo madyabulosi aka uluka. Masimpe, Wa kalizi kuteeti Wa kali Mesiya.

276 Ku cuumbwe ca Lazaro, wa kali fwide mazuba one. Ba kati, “Ikuti Yebo nokali kuno, Mwami, inga nata kafwa pe.”

277 Wa kati, “Ndime bubuke a Buumi.” Ameni! Kutali kuli, cindi, na buti. “Oyo uusyoma muli Ndime, nekubakuti wakali fwide, kwalo uyo pona.” Ameni. Wa kalizi kuti Wa kali Ni. Wa kalizi Mbwa kabede. Wa kalizi kuti Wa kali Emanuele. Wa kalizi kuti Wa kali bubuke. Wa kalizi kuti Wa kali Buumi. Wa kalizi kuti muli Nguwe mwakali kukkala buzule bwa Buleza camubili. Wa kabona balo bantu baniini kuya, alimwi Wa kabona eco Leza nca ka Mwaambila mpawo kucita, alimwi ngooyo Mbwa kabede. Wa kali kuselelo kuya.

278 Kwiina na kati, “Lino, amulindile, Njo fugama aansi awa. Nyoonse nywebo a mufugame a kukomba.” Wa kati, “Sena nywebo mula syoma kuti inga Nda konzya kucita eci?” Ameni. Wa ka cilomba.

279 Ta kali Nguwe; bakali mbabo. “Iyi, Mwami, Nda syoma kuti Yebo uli Mwana wa Leza oyo wakeelede kuboola mu nyika.” Oh, ma! Ngooyo Wa zibwa. Cintu cimwi ceelede kucitika.

280 “Lazaro, ko buka!” Wa kakanana, nkabela muntu uufwide waka buka. Kutali, “Nda konzya na?” Wa kakanana buyo. Cindi lusyomo nolwaka zulila, cintu cakacitika.

281 Ula amba, Wa kakanana, nkabela boofu waka kubona, balema bakeenda, basinkematwi bakamvwa, madyabulosi akakwiila a kuzwa, bafu baka busigwa, zintu zyoonse. Nkaambonzi? Ta kakomba caku zwidilila. Wa kali nanikidwe i Mesiya. Wa kali Mesiya oyo. Wa kalizi kuti Wa kalini. Wa kalizi busena Bwakwe. Wa kalizi kuti Wa katumwa kucita. Wa kalizi kuti Taata Wa kamutondezya kuba Mesiya, ku musyomi. Elyo cindi naka swaana musyomi oyo kajisi lusyomo, Wa kakanana buyo Ijwi. Madyabulosi akamwaika. Iyi, Munene. “Koomba! Uta lili. Koomba!” Ameni.

282 Elyo Wa kalizi nguzu Zyakwe nzya kapegwa kwa Leza, pele ta tuzyi. Wa kalizi obo Mbwa kabede. Ta tuzi.

283 Musa wa kaluba. Samusoni wakamvwisya. Bamwi bakamvwisya. Joshua waka mvwisya. Musa wa kaluba. Leza waka mubamba kubikkila maanu kuli ncico. Wa kati, “Nkaambonzi nco lila kuli Ndime? Nda kakutumwa kucita mulimo. Koamba, a kuzumanana ku bukanze bwako. Nda ka kwaambila kuti uyo boola ku mulundu oyu. Kotola bana a kuzumanana kuba sololela. Koamba buyo. Ta ndikwe ndaba aceeco cili mu nzila yako, ko cigwisya mu nzila. Nda kupa bwami bwa kucicita. Nda kanana. . . Yebo wa kanana nzinini a ntabwa, a bulenge, a zintu mbuli eco. Lino ino ncinzi nco Ndo ngolweda? Nkaambonzi nco boola kuli Ndime, koongolola zintu ezi? Koamba buyo a kubona ka ceenda, kwa mana.” Oh, ma! Oh, obo mbo Ndi ciyanda!

284 Awa, Jesu, zintu zyoonse ezyo Nzya kaamba, Wa kakanana buyo Ijwi, alimwi cakali boobo. Leza cacululama waka Mu simpikizya kuba Mwana Wakwe. “Oyu ngo Mwana Wangu

uuyandwa mwalo muli Nguwe mo Ndi botelwa loko. Amu Mu swiilile.”

²⁸⁵ Amu Mu bone. Nda botelwa eci. Obo munzila ya camba, obo cakubotelezya kwa bulemu Wa kaima kumbele lya basikujana butongo kuli Nguwe. Ameni. Wa kati, “Kunyonyoona tempele eli, alimwi Njo lomba Taata a kubona eco Nca cita kujatikizya ncico”? “Kunyonyoona tempele eli, nkabela Njo liya kulula, mu mazuba otatwe.” Kutali, “Ndi lombozya obo; Ndiyo sola.” “Njo cicitita!” Nkaambonzi? I Lugwalo lwa kaamba boobo.

²⁸⁶ I Lugwalo ndulonya lwa kaamba kuti inga Uyo busya mubili Wakwe, lula tupa bwami, Nguzu. Ameni! “Mu Zina Lyangu bayo tanda madyabulosi, bayo amba a myaambo mipya; ikuti na bajata nzoka, na kunywa zintu zikola, taci kaba jayi; ikuti na ba bikka maanza abo aa balwazi, bato pona.”

“Nkambonzi nco lilila Ndime? Koamba, a kuya kumbele.” Oh, munzila yacamba Nda . . .

“Kunyonyoona tempele eli, Njo liya kulila.” Oh!

²⁸⁷ Elyo amuyeeye eno, (tuli mukujala), wakali nguwenya Walo oyo. Wa kali Nguwe wakati, muli Johane 14:12, i . . . “Oyo uusyoma aali Ndime, milimo eyo Nje cita uyo icita ayalo.” Sa eci mbocibede? [Mbunga yaamba, “Ameni.”—Mul.] Wa kali Nguwe oyo wakaamba obo.

²⁸⁸ Wa kali Jesu, muli Marko 11:24, oyo wakati, “Ikuti na mwaambila cilundu eci,” kutali ikuti mwakombela cilundu eci. “Ikuti na mwaambila dundu eli, ‘kozyuka,’ a kuta zumbauzya mu myoyo yanu, pele kusyoma eco nco mwaamba kuti ciyo citika, inga mwatambula eco nco mwaamba.” Lino nywebo, ikuti na mwaamba cakuyeeyela buyo, ta cika citiki pe. Pele ikuti na cintu cimwi muli ndinywe, kuteeti muli—muli nanikidwe nkambo ka mulimo, alimwi mulizi kuti nduyando lwa Leza kucicita, alimwi muyo caamba, ceelede kucitika. “Ikuti na nywebo . . .”

²⁸⁹ Wa kali Nguwe oyo wakaamba eci. “Ikuti na mwakkalilila muli Ndime, a Majwi Aangu akkalilila muli ndinywe, amu lombe eco nco muyanda nkabela ciyo citwa kuli ndinywe.” Oh, ma! Oh, ma! Mwa bona eco nce Ndi pandulula? [Mbunga yaamba, “Ameni.”—Mul.]

²⁹⁰ Mundijatile eci, pele cili mukuboola mbuyo muli ndime. Nde elede ku caamba. Wa kali Nguwe wa kati, obo buzuba kutala kuya, mukati ka zisaka ezyo, “Yebo tojisi nyama yamusokwe.” Elyo Wa kalenga basikaale botatwe kabaimvwi kuya kubusyu bwangu. Ino ncenzi? Koamba buyo ijwi, kwaamba, “Ba yooba *kokuya*, a *kokuya*, a *kokuya*,” alimwi mpaawo bakaba. Wa kali Nguwe waka cita eco.

²⁹¹ Charlie, Rodney, Wa kali Nguwe kunselelo kuya mu Kentucky; a Nellie, Margie, a bamwi banu. Wa kali Nguwe, oyo Leza nguonya wakali kaindi kuya a kukanana kuli Musa, kati,

“Nkaambonzi nco lilila Ndime? Koamba ijwi!” Wa kali Nguwe oyo waka zileta mukuba. Walo Nguwe. Walo Ngonguwe. Oh, ma!

²⁹² Wa kali Nguwe oyo wakapa cilengaano ca makani a mwaka ainda, oyo wakati njo unka kuya, a zeezi Zinamatizyo zili Ciloba, a nzila kuya mbo kuyooba i—i—i—i munzumo mupati oyo uyo talika, aliwi iyooba mu bupange bwa piramidi. Elyo i kuya *Look mag-*. . . *Life* magazine yaka cibweza, kacilengelela aa bulambo mukati mya. Wa kali Nguwe wa kaamba eco.

²⁹³ Wa kali Nguwe, masiku ayo cindi ni Nda kali kuunka kunselelo lya mugwagwa a kubona nzoka minyengwe impati kutandila kuluma mukwesu. Elyo Wa kati, “Yebo wapa. . . kapegwa Nguzu zya kuyaanga, na kufumbwa zimwa zyazyo.” Wa kali Nguwe wa kaamba eco.

²⁹⁴ Ku mukaintu wangu muniini wamvwi kumutwe uukkede kusule kuya: Wa kali Nguwe cifumo eco, waka ndisinsimuna kutala kuya mu kaanda, a kwiima mu kkona, kati, “Uta yoowi kucita cintu cili coonse, na kwiinka kubusena buli boonse, na kwaamba cintu cili coonse, nkambo Busyu butakakilwi ibwa Jesu Kristo buli a nduwe kufumbwa kubusena nkoya.”

²⁹⁵ Wa kali Nguwe kutala kuya mu Sabino Canyon, kutandila myweezi iili yotatwe yakaida, cindi ni Nda kali kukomba, kandiyeeya eco ciyo citika. Nda kaliimvwi kuya, nkabela panga lyaka lokela mu janza lyangu, a kwaamba, “Eli ndi Panga lya Mwaami.” Wa kali Nguwe.

²⁹⁶ Wa kali Nguwe wakambaula kuli ndime, “Mbuli mbo Nda kali a Musa, aboobo Njo kutuma.”

²⁹⁷ Wa kali Nguwe wakambaula kuli ndime, myaka iili makumi otatwe yakainda, kunselelo ku mulonga kutala, mbuli musankwa muniini. Kandiimvwi kuya mbuli mukambausi muniini, aa mulonga, myaka iili makumi otatwe yakainda, kandiimvwi kuya cindi Mumuni oyo, nguonya Musumpululu wa Mulilo, kauseluka aansi kuzwa ku majulu a kwiima kuya, a kwaamba, “Mbuli mbo Nda katuma Johane Mubapatizi ku kusolola kuboola kutaanzi kwa Kristo, Mulumbe wako uyo solola Kuboola Kwabili.” ku nyika yoonse. Mbubuti mbo cinga caba, kakuli mweembeli wangu wini wakaseka a kuufubaazya? Pele cakacitika mbubonya buyo munzila eyo. Wa kali Nguwe waka caamba. Iiyi, munene!

²⁹⁸ Oh, obo mbwa kali Nguwe wakaamba mu cisinsimi, ku cilengaano, “Ciyo citika.” Wa kali Nguwe wa kaamba, “Ikuti na umwi aakati kanu wasinsima, na wabona cilengaano, a ku cilungulula, nkabela ca citika; mpawo amuyeeye kuti tali nguwe, ngo Ndime. Ndili a nguwe.” Oh, ma! Ino inga Nda zumanana, a kwaamba kuteeti wakali Nguwe, walo Nguwe, walo Nguwe!

²⁹⁹ Ngo Nguwe wakaseluka aansi, cindi ni Nda kabaambila kuti Musumpululu wa Mulilo wakali kunselelo kuya ku mulonga, nkabela tiiba kakonzya kucisyoma. Wa kali Nguwe kunselelo

kuya antoomwe, cindi oyo mukambausi wa Baptisti, kubusyu bwa bantu bali zyuulu zili makumi otatwe busiku obo, mu Sa Houston Colosseum, cindi Angelo oyo wa Mwami nakalekela cifoto Cakwe kufotolwa, kaimvwi awo. Wa kali Nguwe, mbobuca nguwenya, sunu, amuya myaaka.

³⁰⁰ Wa kali Nguwe oyo wakasinsima busena awo zintu mpo zya keelede kuba. Wa kali Nguwe wakaamba eci. Wa kali Nguwe wakacita zintu ezi. Ngu mbobuca nguwenya, sunu, amuya myaaka. Wa cita zintu zyoonse mbubonya buyo mbuli Mbwa kaamba kuti Uyo cicita. Ameni.

³⁰¹ Nkaambonzi nce Nde elede kulindila? Leza wasimpikizya Ijwi. Ngo Bwini. Atube mu lweendo. A tweende. Atu zumanane mu kweenda kwa Mwami, kubikka aambali kuzumbauzya koonse, zibi zyoonse. Amu salazye ng'anda, amwii kumbe.

³⁰² Mbuli cilengaano ca Junior Jackson mbo cakaamba, kwakanyina cintu caka syaala cita malampi; na ciloto cakwe, ikuti na uli kkede awa. Kunyina cintu ci syeede cita malampi, alimwi ba kajisi mabbango aa ngolide kaba zungulikide, mu ciloto eco nca kandipa busiku bumwi. Oh, ma!

³⁰³ Mukwesu Collins, uta pengi a nswi eyo. Ila tuba. Yebo tokazyi buyo nzila ya kwiilanganya.

³⁰⁴ Amu bike aambali zintu zyoonse ziimpene kuli Ncico. Amuyeeye, obu Mbwini, takukwe makani obo Ci boneka kuba cakwiindilizya, a zintu zyoonse zimbi, ziindi zimwi. Amweende buyo ncobeni a Ncico. Ngu Muuya Uusalala. I Leza nguonya oyo wakabusya Jesu Kristo kuzwa ku bafu, nguonya Walo uukonzya kukanana zintu mukuba, nguonya Walo wakapona mu mazuba aa Musa, nguwenya sunu.

³⁰⁵ Kwiitwa kwakwe mu buzuba bunu bwa mamanino, Wa kasimpikizya. “Mbuli mbo cakabede mu mazuba akwa Sodoma, mbubonya mbo ciya kuba mu Kuboola kwa Mwana wa muntu.” Wa cita...Kuli Sodoma kunselelo kuya. Kuli Billy Graham a Oral Roberts kubusena kuya. Elyo Mbungano ili mukuzumanana kweenda, kwiinda ku zitondezyo nzizyonya ezyo Nzya kasyomezya, koonse ku masena, alimwi nzeezyo we. Ngo Nguwe wa kacaamba.

³⁰⁶ O Mwami, kotupa camba, ngo mupailo wangu. Ndi gwasye, O Mwami Leza.

Nde elede kuleka awa. Ciindi ciya bumana.

³⁰⁷ “Nkaambonzi nco lila kuli Ndime? Nkaambonzi ncoli mukulila kuli Ndime, kakuli Nda tondezya kuba a nduwe? Sena tee Nda kaponya balwazi bako,” Inga waamba na? “Sena tee Nda kakwaambila zintu ezyo zyaka citika mbubonya buyo? Mweembeli wako takonzyi kucita eco. Mebo! Ta konzyi; ngo muntu. Nde Ndime, Mwami,” oyo Uunga waamba. “Ndime Oyo wakacita eci. Ndime Oyo umwaambila zintu ezi zya kwaamba.

Tali nguwe. Ndi Jwi Lyangu. Ndime Oyo waka busya bafwide banu cindi bafwa. Ndime Oyo uuponya balwazi. Ndime Oyo uusinsima zintu ezi. Ndime Oyo uufutula. Ndime Oyo uupa cisyomezyo.”

³⁰⁸ Leza, ndipe camba ca kubweza Panga eelyo lya Ijwi Ndy a kabikka mu janza lyangu kutandila myaka ili makumi otatwe yakainda, a kuli jatilila a kweenda kuya kumbele ku Kukwelwa Kwatatu, ngo mupailo wangu.

Atu kotamike mitwe yesu.

³⁰⁹ Taata Wakujulu, oora liya bumana, pele Ijwi liya buba liyandisi. Mbuli mbo tu cibona, Mwami, ciindi a ciindi, Busyu butakakilwi ibwa Kristo lyoonse bula tuswaana. Obo mbo Ndi Ku lumba nkambo ka bubotu Bwako! Obo Yebo mbo tuvuna alimwi kuba. . . a ku tuleleka, obo mbo tu Ku lumba nkambo kambubo!

³¹⁰ Mbuli mbo Ndi jata tutambala oyu mu janza lyangu, Mwami, mbantu bajisi lusyomo, abo basyoma Eci. Akube kuti madyabulosi oonse, malwazi oonse azwe ku bantu aba. Elyo Nda lailila myuuya yoonse mukati muno; eyo isofweede, aitali ya Leza, myuuya yoonse ya kuciswa, a malwazi oonse a mafwabi. Ta tulede mu cimvule ca muntu, eco cinga kacili kabotu, pele tuli mu cimvule ca Makani mabotu, Makani mabotu aakasimpikizigwwa.

³¹¹ Mbuli Musumpululu wa Mulilo mupati uleenda koonse akoonse kwiinda mu buyake obu, nguonya Walo oyo Leza ngwa kalangila aansii muciiindi coonse, a Lwizi Lusalala lwaka jula nzila yalo, nkabela Israyeli yakainda mo. Pele eno mbuli Mbwa langa, kuli sansailidwe a Bulowa bwa Mwana Wakwe Mwini, kuli luse a luzyalu. Akube kuti tube baswiilila. Akube kuti sunu tuleke kwaamba, koompolola. Akube kuti tumvwisye kuti Wa katwiitila mulimo oyu. Eli nde oora. Nda camba mu Zina lya Jesu Kristo, lekela kuciswa koonse kuzwe mu busena obu.

³¹² Akube kuti baalumi a banakazi boonse, abo baita aa Zina lya Jesu Kristo, basalazye buumi bwabo cabupya sunu. Nda salaza bwangu, Mwami, aa cipaililo ca mipailo. Nda libikka aansii, a kulyubaula lwangu ndemwini a kunyona mutwe wangu kulanga aansii oko Nko kandigwisya. Mwami Leza, Nda usa ku bukompami bwangu a kutasyoma kwangu. Ko bujatila, Mwami. Kondipa camba. Kotupa camba toonse.

³¹³ Nda limwa, mbuli Musa, toonse tuli mu lweendo lwakuzwa. Ta tuyandi kusiya umwi. Tu yanda kutola boonse, Mwami. Mbi Bako. Nda bataminina kuli Nduwe. Longezya bantu aba sunu, Mwami. Ko cipa. Alimwi kondilongezya, a mbabo, Taata, alimwi Zina Lyako lilumbaizigwe. Bulemu bwako buyooba Bwako. Kotupa lusyomo olu Lutamani, Mwami, mbuli mbo tuli salazya kuli Nduwe lino.

³¹⁴ Mebo, aatala lya Bbaibbele eli aa tafule eli, Nda Ku pa buumi bwangu, Mwami. Ndi yaamina ku zisyomezyo zyoonse ezyo Nzo pa. Ndi lizyi kuti ziyo tondezegwa. Ndi lizyi kuti nzya Bwini. Kondipa cambia ca kukanana Majwi aya. Kondipa cambia, Mwami. Kondilailila muli eco nce Nde elede kucita a kwaamba. Nda lipa kuli Nduwe, a mbungano eyi, antoomwe a njiyo, Mwami, mu Zina lya Jesu Kristo. Ameni.

Lusyomo lwangu . . . kuli Nduwe,
Yebo Kabelele wa Kalivari,
Mufutulii Wabuleza;
Lino kondimvwa ne Ndi komba,
Gwisya zibi zyangu zyoonse,
O kondilekela kuzwa buzuba buno
Kuba Wako cakumaninina!

³¹⁵ Lino atwiime, cabutontozi kwini, mbuli mbo twi ng'ung'una. [Mukwesu Branham a mbunga batalika ku ng'ung'una, *Lusyomo Lwangu Lulanga Kuli Nduwe*—Mul.]

. . . kuli Nduwe,
Yebo Kabelele . . .

Atu nyamune buyo maanza eesu kuli Nguwe eno.

O Mufutuli . . .

Amuli salazye lwanu kuli Leza lino.

Lino koswiilila ne Ndi komba,
Gwisya kuzumbazya kwangu koonse,
O ndilekele kuzwa buzuba buno
Kuba Wako cakumaninina!

³¹⁶ Lino antoomwe, aa maanza esu mujulu. [Mbunga yaloolola mupailo oyu, kutobela Mukwesu Branham—Mul.] Mwami Jesu, Nda li salazya eno lwangu kuli Nduwe, buumi bwa mulimo, cakunjoloma loko, lusyomo lupati, Nda lila, kuti inga Nda ba mulanda uutambulika loko mu buumi bwangu buboola, kwiinda mbo Nda kabede mu buumi bwa kaina. Kondijatila kutasyoma kwangu, a kuboozya kuli ndiswe Lusyomo lwa kapegwa ku basalali lomwe lwa lyoonse. Nda lipa lwangu kuli Nduwe, mu Zina lya Jesu Kristo.

³¹⁷ Lino mbuli mbo tukoteme mitwe yesu.

Kuciindi cakunyongana kwa buumi Nde enda,
Elyo mafwabi andi bungulila koonse,
Koba Mweenzyi Wangu;
Lailila mudima kuba isikati,
Komwaya kuyoowa kwangu koonse,
Uta ndilekeli kusola kusweeka
Kuzwa kuli Nduwe ambali.

³¹⁸ Mbuli mbo tukoteme mitwe yesu eno. Mwalimvwa kuti Mulumbe oyo wa cifumo kuti wa mugwasya na? [Mbunga yaamba, "Ameni."—Mul.] Kwa mupa cambia na? ["Ameni."] Ikuti

na mwayanda, amunyamune buyo maanza aanu kuli Leza, kwaamba, “Leza, Nda Ku lumba.” [“Leza, Nda Ku lumba.”] Nda bikka maanza angu oonse mujulu, nkaambo Nda limvwa maningi kuti wa—wa ndi gwasya. Undipa cambia.

³¹⁹ Zintu zimwi Nzi ndaamba, Ta yeeyi kuti ni Nda zyaamba, pele zyaambwa kale. Lwali lutapatilo kuli ndime. Nda lijana lwangu kutaba mu nzila eyo nje Ndali kuyeeya Nda kacita, pele Nda lijana lwangu amulandu wa koopolola ciindi coonse, mu busena bwa kukanana.

³²⁰ Leza, ndi gwasye, kuzwakuzwa ku oora eli, cakuti Njo oba mulanda waka salazigwa loko.

³²¹ Ta ndili kombeli buyo Lwangu. Nda mukombela, a nywebo, kuti, antoomwe, mbuli Mubili wa Kristo, wakaitwa kuzwa ku nyika, kuli bambila ku Nyika ya cisyomezyo, kuteeti Leza uyo ndipa cambia caku kanana mu nzila, kubamba nzila iisoolokede kuti mutaimpyi kakondo. Nda mwaambila, ku luzyalo lwa Leza, Njo tobela mano aazwide Bulowa Aakwe Oyo wakazumanana kweenda kumbele lyesu.

Elyo ciingano eci caka salazigwa Njo bweza,
Kusikila lufu luka ndaangulule,
Elyo mpawo kuya ku Muunzi, kuyo sama
musyini,
Kuli musyini wangu.

³²² Twa pa kuli Nduwe eci, Taata, kulisalazya kwesu, mu Zina Iya Jesu Kristo, Mwana Wako. Amen.

³²³ [I mukwesu watalika kwaambaula mu mwaambo uumbi. Kabeela katakwe cintu aa teepu—Mul.]

³²⁴ Twa ku lumba Mwami kuli eci. Kweenda kwa buumi bwaka salazigwa. Kulipa lwanu, ku bubotu, bubombe. Amweend mu Muuya. Amweend, kwaambaula, kusama, kulilemeka mbuli Banakristo, babombe a babotu. Muta lekeli eci kukakilwa eno. I Jwi Iya Leza lila kanana kwiinda mu Ijwi, lila kanana kwiinda mu zipigo. Mbuli cipego comwe mbo ciboola, umwi umbi wacipandulula, cipego cimbi caboola a kupandulula cintu nciconya. Mwabona, eco cili luleme ncobeni a Ijwi a kululama a oora. Leza uli a ndiswe. Obo mbo tu Ku lumba nkambo ka nico! Lino ikuti cesu. . .

³²⁵ A mitwe yesu kiikoteme, walombwa mucizi wesu ku tupa bulile aali njiyo:

Kotolelela Zina Iya Jesu,
Mbuli ntobo ku tooze toonse;
Elyo cindi masunko aku bungilila koonse,
Koamba buyo Zina eelyo lisalala mu mupailo.

³²⁶ Buyo, kocita buyo eco, koamba Ijwi a kwaamba Zina Lyakwe. Atwiimbe eno mbuli mbo tu—mbuli mbo tumwaisigwa.

Kotolelela Zina Iya Jesu,
 Mbuli ntobo . . . a wa mapenzi;
 Luyo kupa lutangalo a kuumbulizigwa,
 Oh, kolutola ku masena oonse nkoya.
 Zina liyandisiyi . . .


³²⁷ Lino atu sukane maanza, a kwaamba, “Njo ku kombela, mukwesu, nkabela uka ndikombele.”

. . . Julu;
 Zina liyandisi, Zina liyandisi, O mbolili bbotu!
 Bulangizi bwa nyika a lutangalo . . .

³²⁸ Lino a mitwe yesu kiikoteme, atwiimbe kampango aka kaccilila.

Kotolelela Zina Iya Jesu,
 Mbuli ntobo ku tooze toonse;
 Cindi masunko aku bungilila koonse,
 Kaomba Zina eelyo lisalala mu mupailo.
 Zina liyandisi, Zina liyandisi; O mbolili bbotu!
 O mbolili bbotu!
 Bulangizi bwa nyika a lutangalo lwa Julu;
 Zina liyandisi, O mbolili bbotu!
 Bulangizi bwa nyika a lutangalo lwa Julu.

³²⁹ A mitwe yesu kiikoteme lino, a myoyo yesu a nguwo, a kumvwisya kuzwide kuti Jesu wakati, “Oyo uumvwa Majwi Aangu a kusyoma Oyo waka Ndi tuma, ujisi Buumi butamani nkabela taka booli ku Lubeta, pele wazwa ku lufu kusika ku Buumi.” Mukuziba kuti swebo, kwiinda ku luzyalo lwa Leza, tuli jisi obo mu bukwabilizi bwesu; a kusalazigwa kuli Nguwe kuseeni kuno, kuteeti buumi bwesu buyo sanduka, kuzwa buzuba bunu, kuteeti tuyo ba masimpe loko mu kuyeeya kwesu. Tuyo sola kupona mu bubotu a bubombe loko, cakuti, kusyoma kuti eco nco twalomba Leza, Leza uyo cipa kuli umwi aumwi. Alimwi ta tuka sampaulani pe, na muntu. Tuyo kombela basinkondo besu a kuba yanda, kucita bubotu kuli mbabo abo batu citila bubi. Leza ngo Mubetesi wa baabo baluleme a balubide. A i . . .

³³⁰ Aa mbaakani eyi, a mitwe yesu kikitome, Ndiyo lomba mweenzuma wesu mubotu, Mukwesu Lee Vayle, ikuti inga wamwaisya baswilizi mu ijwi Iya mupailo. Mukwesu Vayle. 

UULILA NZI? KOAMBA! TNG63-0714M
(Why Cry? Speak!)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Kunkumunamasamu 14, 1963, ku Branham Tabernacle, Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org